

















漢魏六朝正史文選卷之十六

晉書 史論

天文志序

律曆志序

樂志序

五行志序

忠義傳序

宣帝紀論

武帝紀論

漢魏六朝正史文選卷之十六





元帝紀論

安帝紀論

王祥鄭冲何曾鄭石傳論

衛瓘張華傳論

山濤傳論

周處周訪傳論

八王傳論

晉閻鼎索綝賈疋傳論

桓溫傳論



漢魏六朝正史文選卷之十七

宋書

詔令

奏議

雜著

史論

武帝

脩張良廟令

酬功詔

建學詔

文帝

誅徐羨之傅亮謝晦詔

舉士詔



思仲尼詔

勸農詔

孝武帝

勸農甄士尚書體制詔

仲尼廟祭詔

脩葺庠序詔

赦賚詔

出米贍恤詔

明帝



愛民存儉詔

各舉所知詔

武帝

追敘劉穆之表

王弘

奏彈謝靈運

辭位表

謝晦

舉兵表



羊玄保

陳吏民亡判制

裴松之

陳斷私碑表

范泰

旱蝗表

諫少帝封事

王僧達

求徐州表



周朗

讜言書

江敷

辭婚表

臧燾

四府君廟議

孔琳之

肉刑議

袁豹



大田議

孝武帝

檄京邑文

范曄

獄中與甥姪書

王微

與從弟僧綽書

傅亮

演慎



鮑照

清河頌序

禮志序一

禮志序一

孝義傳序

隱逸傳序

明帝紀論

禮志論

後廢帝紀論



謝晦傳論

朱齡石朱超石毛修之傳弘之傳論

臧燾徐廣傳論

王華傳論

謝靈運傳論

漢魏六朝正史文選卷之十七

目錄終



漢魏六朝正史文選卷之十八

南齊書 詔令 奏議 雜著 史論

高帝

建學詔

答劉善明

武帝

清溪宮詔

蠲恤詔

明帝



視辭詔

脩理晉帝諸陵詔

王儉

求解選表

王融

求自試啓

漢武北伐圖疏

孔稚圭

勸遣使和虜表



正刑律表

褚淵

答太祖書

謝朓

辭隨王子隆牋

陸厥

與沈約書

張融

海賦序



自序

顧歡

二教論

劉祥

連珠

鬱林王紀論

明帝紀論

謝超宗劉祥傳論

文學傳論



晉書

顧在觀觀生

永安熊國柱仔肩

雲間

許清胤介夫輯評

顧之萃宗之叅訂

勾章陳裕廣生

陳祐天生

晉書序

天文志序

昔在庖犧觀象察法以通神明之德以類天地之情

可以藏往知來開物成務故易曰天垂象見吉凶聖

人象之此則觀乎天文以示變者也尚書曰天聰明



自我民聰明。此則觀乎人文以成化者也。是故政教  
兆于。人。理。祥。變。應。乎。天。文。得。失。雖。微。罔。不。昭。著。然。則  
三皇邁德。七曜順軌。日月無薄蝕之變。星辰靡錯亂  
之妖。黃帝創受河圖。始明休咎。故其星傳尚有存焉。  
降在高陽。乃命南正重司天。北正黎司地。爰洎帝嚳  
亦式序三辰。唐虞則羲和繼軌。有夏則昆吾紹德。年  
代脩邈。文籍靡傳。至于殷之巫咸。周之史佚。格言遺  
記。于今不朽。其諸侯之史。則魯有梓慎。晉有卜偃。鄭  
有裨竈。宋有子韋。齊有甘德。楚有唐昧。趙有尹臯。魏



有石申。夫皆掌著天人。各論圖驗。其巫咸甘石之說。後代所宗。暴秦燔書。六經殘滅。天官星占。存而不毀。及漢景武之際。司馬談父子。繼爲史官。著天官書。以明天人之道。其後中壘校尉劉向。廣洪範災條。作皇極論。以參往之行事。及班固敘漢史。馬遷續述天文。而蔡邕譙周。各有撰錄。司馬彪採之以繼前志。今詳衆說。以著于篇。

言約義該







律曆志序

律曆志序

易曰形而上者謂之道形而下者謂之器夫神道廣大妙本于陰陽形器精微義先于律呂聖人觀四時之變刻玉紀其盈虛察五行之聲鑄金均其清濁所以遂八風而宣九德和大樂而成政道然金質從革侈弇無方竹體圓虛修短利制是以神瞽作律用寫鍾聲乃紀之以三平之以六成于十二天之道也又叶時日于畧度效地氣于灰管故陰陽和則景至律



氣應則灰飛。灰飛律通。吹而命之。則天地之中聲也。故可以範圍百度。化成萬品。則虞書所謂叶時月。正日同律度量衡者也。中聲節以成文。德音章而和備。則可以動天地。感鬼神。導性情。移風俗。叶言志于詠歌。鑒盛衰于治亂。故君子審聲以知音。審音以知樂。審樂以知政。蓋由茲道。太史公律書云。王者制事立物。法度軌則。一稟于六律。六律爲萬事之本。其于兵革尤所重焉。故云。望敵知吉凶。聞聲于勝負。百王不易之道也。及秦氏滅學。其道浸微。漢室初興。丞相張



蒼首言音律。未能審備。孝武帝創置協律之官。司馬遷言律呂相生之次。詳矣。及王莽之際。考論音律。劉歆條奏。大率有五。一曰備數。一十百千萬也。二曰和聲。宮商角徵羽也。三曰審度。分寸尺丈引也。四曰嘉量。籥合升斗斛也。五曰權衡。銖兩斤鈞石也。班固因而志之。蔡邕又記建武已後。言律呂者。至司馬綿統採而續之。漢末天下大亂。樂工散亡。器法堙滅。魏武始獲杜夔。使定樂器聲調。夔依當時尺度。權備典章。及武帝受命。遵而不革。至泰始十年。光祿大夫荀勗。



奏造新度更鑄律呂元康中曷子藩嗣其事未及成  
功屬永嘉之亂中朝典章咸沒于石勒及元帝南遷  
皇度草昧禮客樂器掃地皆盡雖稍加採掇而多所  
淪胥終于恭安竟不能備今考古律相生之次及魏  
武已後言音律度量者以志于篇云傳云十二律黃  
帝之所作也使伶倫自大夏之西乃之崑崙之陰取  
竹之嶰谷生其竅厚均者斷兩節間長三寸九分而  
吹之以爲黃鍾之宮曰舍少次制十二竹筩寫鳳之  
鳴雄鳴爲六雌鳴亦六以此黃鍾之宮皆可以生之



以定律呂。則律之始造。以竹爲管。取其自然圓虛也。  
又云黃帝作律。以玉爲管。長尺六孔。爲十二月音。至  
舜時。西王母獻昭華之琯。以玉爲之。及漢章帝時。零  
陵文學奚景于泠通舜祠下。得白玉琯。又武帝太康  
元年。及郡盜發六國時魏襄王冢。亦得玉律。則古者  
又以玉爲管矣。以王者取其體舍廉潤也。而漢平帝  
時。王莽又以銅爲之。銅者自名也。所以同天下。齊風  
俗也。爲物至精。不爲燥濕寒暑改節。介然有常。似士  
君子之行。故用焉。



廓然太清當是晉代之文



晉書 序

樂志序

夫性靈之表，不知所以發于詠歌，感動之端，不知所以關于手足，生于心者謂之道，成于形者謂之用。譬諸天地，其猶影響；百獸率舞，而況于人乎？美其和平而哀其喪亂，以茲援律，乃播其聲焉。農瑟義琴，倕鍾和磬，達靈成性，象物昭功，有此言之，其來自遠。殷氏不綱，遺風餘孽，淫奏旣興，雅章奔散，英莖之制，蓋已微矣。孔子曰：人能弘道，非道弘人。周始二南，風兼六



代昔黃帝作雲門堯作咸池舜作大韶禹作大夏殷  
作大護周作大武所謂因前王之禮設俯仰之容和  
順積中英華發外書稱命夔典樂教冑子則周官所  
謂奏大呂歌黃鍾天貺來下人祇動色抑揚周監以  
弘雅音及褒艷興災平王逢亂禮廢親疎樂沈河海  
是以延陵季子聞歌小雅曰其周德之衰乎猶有先  
王之遺風焉而列壤稱孤各興吟詠魏文侯聆古樂  
而恐臥晉平公聽新聲而忘食先王之道漸以陵夷  
八方殊風九州異則秦氏并吞遂專刑憲至于絃歌



詩頌于威旄羽、投諸烟天、埽地無遺。漢祖提劍寰中、  
削平天下、文匪躬于德化、武有心于制作。太后損儒  
家之道、大臣排賈氏之言、搢紳先生所以長嘆而子  
政仲舒猶不能已也。炎漢中興、明皇帝卽位、表主景  
而陳清廟、樹槐陰而疏璧流、祀光武于明堂以配上  
帝。石桓榮于太學、祖而割牲濟濟焉。皇皇焉有足觀  
者。自斯厥後、禮樂繇殷。永平三年、官之師樂、改名大  
予、式揚典禮。旁求圖讖、道隣雅頌、事邇中和。其有五  
方之樂者、則所謂大樂九變、天神可得而禮也。其有



宗廟之樂者。則所謂肅雍和鳴。先祖是聽者也。其有  
社稷之樂者。則所謂琴瑟擊鼓。以迓田祖者也。其有  
辟雍之樂者。則所謂移風易俗。莫善于樂者也。其有  
黃門之樂者。則所謂宴樂群臣。蹲蹲舞我者也。其有  
短簫之樂者。則所謂主師大捷。令軍中凱歌者也。魏  
武挾天子而令諸侯。思一戎而匡九服。時逢吞滅。憲  
章咸盪。及削平劉表。始獲杜夔。揚輦梃干。式遵前記。  
三祖紛綸。咸工篇什。聲歌雖有損益。愛說在乎雕章。  
是以王粲等各造新詩。抽其藻思。吟詠結靈。贊揚來



饗武皇帝不漢魏之遺範覽景文之垂則鼎鼐唯新  
前音不改秦始九年光祿大夫荀勗始作古尺以調  
聲韻仍以張華等所制高文陳諸下管永嘉之亂伶  
官既滅曲盡亡祔咸變汚萊雖復象舞歌工自胡歸  
晉至于孤竹之管雲和之瑟空桑之琴泗濱之磬其  
能備者百不一焉夫人受天地之靈蘊菁莪之氣剛  
柔遞用哀樂分情經春陽而自喜遇秋彫而不悅遊  
乎金石之端出乎管絃之外因物遷逝乘流不反是  
以楚王升輦軒于彭蠡漢順聽鳴鳥于樊鄢聖人功



成作樂。化平裁曲。乃揚節奏。以暢中和。飾其歡欣。止于哀思者也。凡樂之道。五聲八音六律十二管爲之。綱紀云。五聲宮爲君。宮之爲言中也。中和之道。無往而不理焉。商爲臣。商之爲言強也。謂金性之堅強也。角爲民。角之爲言觸也。謂衆諸陽氣觸物而生也。徵爲事。徵之爲言止也。言物盛則止也。羽爲物。羽之爲言舒也。言陽氣將復。萬物孳育而舒生也。古人有言曰。禮樂不可斯須去身。化上遷善有如不及。是以聞其宮聲。使人溫良而寬大。聞其商聲。使人方廉而好。



義聞其角聲使人惻隱而仁愛聞其徵聲使人樂養而好施聞其羽聲使人恭儉而好禮

夫帝王之德配天是則受命於天

而後治世於天下

動關萬民

非若匹夫匹婦之自好也故君子必先慎乎德

德有六美曰仁曰義曰禮曰智曰信曰忠

仁者愛人也義者宜也禮者節文也智者知也信者誠也忠者盡心也

德者本也財者末也外本而內末不可長也

故君子必先慎乎德

德有六美曰仁曰義曰禮曰智曰信曰忠



而致其休養對人恭儉而致斷

其制其食並對人澹澹而口愛聞其澹澹對人樂養



百書序

五行志序

夫帝王者配德天地，叶契陰陽，發號施令，動關幽顯，休咎之徵，隨感而作。故書曰：惠迪吉，從逆凶，惟影響。昔伏羲氏繼天而王，受河圖，則而畫之，八卦是也。禹治洪水，賜洛書，法而陳之，洪範是也。聖人行其道，寶其真，自天祐之，吉無不利。三五已降，各有司存，爰及殷之箕子，在父師之位，典斯大範。周既克殷，以箕子歸，武王虛已而問焉。箕子對以禹所得雒書，授之以



垂訓。然則河圖、雒書、相爲經緯，八卦、九章，更爲表裏。殷道絕，文王演周易，周道弊，孔子述春秋，奉乾坤之陰陽，效洪範之什咎，天人之道，粲然著矣。漢興，承秦滅學之後，文帝時，宓生創紀大傳，其言五行，庶徵備矣。後景武之際，董仲舒治公羊春秋，始推陰陽爲儒者之宗。宣元之間，劉向治穀梁春秋，數其禍福，以傳洪範。與仲舒多所不同。至向子歆，治左氏傳，其言春秋及五行，又甚乖異。班固據大傳，采仲舒、劉向、劉歆著五行志，而傳載眭孟、夏侯勝、京房、谷永、李尋之徒。



所陳行事。訖于王莽。博通祥變。以傳春秋。綜而爲言。  
凡有三術。其一曰君治以道。臣輔克忠。萬物成遂。其  
性。則和氣應。休徵效。國以安。二曰君違其道。小人在  
位。衆庶失常。則乖氣應。咎徵效。國以亡。三曰人君大  
臣。見災異。退而自省。責躬脩德。其禦補過。則消禍而  
福至此。其大畧也。輒舉斯例。錯綜時變。婉而成章。有  
足觀者。及司馬彪纂光武之後。以究漢事。災眚之說。  
不越前規。今採黃初以降。言祥異者。著于此篇。  
漢儒之言禍福徵應。貫穿萬緒。同異難齊。歸于三

術雖紙故無害也



晉書序

忠義傳序

古人有言，君子殺身以成仁，不求生以害仁。又云，非死之難，處世之難。信哉斯言也。是知隕節苟合其宜，義夫豈吝其沒，捐軀若得其所。烈士不愛其存，故能守鐵石之深衷，厲松筠之雅操。見貞心于歲暮，標勁節于嚴風。赴鼎鑊其如歸，履危亡而不顧。書名竹帛，畫象丹青。前吏以爲美談，後來仰其徽烈者也。晉自元康之後，政亂朝昏，禍難薦興，艱虞孔熾，遂使奸凶



放命戎狄交侵、函夏沸騰、蒼生塗炭、干戈日用、戰爭  
方興、雖背恩忘義之徒、不可勝載、而蹈節輕生之士、  
無乏于時、至若嵇紹之衛難乘輿、卞壺之亡軀鋒鏑、  
桓雄之義高田叔、周崎之節邁解揚、羅丁致命于舊  
君、辛吉耻臣于戎虜、張禕引鴟以全節、王諒斷臂以  
厲忠、莫不志烈秋霜、精貫白日、足以激清風于萬古、  
厲薄俗于當年者歟、所謂亂世識忠臣、斯之謂也、卞  
壺劉超鍾雅周虓等已入列傳、其餘卽敘其行事、以  
爲忠義傳、用旌晉氏之有人焉、



晉書論

宣帝紀論

宣帝諱懿字仲達河內溫縣人姓司馬氏景初二年天子詔帝鎮關中及次白屋有詔召帝晝夜兼行四百餘里引入卧內天子執帝手目齊王曰死乃復可忍吾忍死待君

制曰夫天地之大黎元爲本邦國之貴元首爲先治亂無常興亡有運是故五帝之上居萬乘以爲憂三王已來處其憂而爲樂競智力爭利害大小相吞強弱相襲遠乎魏室三方鼎峙干戈不息氣霧交飛宣皇以天挺之姿應期佐命文以繼治武以稜威用人

如在已求賢若不及情深阻而莫測性寬綽而能容  
和光同塵與時舒卷戢鱗潛翼思屬風雲飾忠于已  
詐之心延安于將危之命觀其雄畧內斷英猷外決  
殄公孫于百日擒孟達于盈旬自以兵動若神謀無  
再計矣旣而擁衆西舉與諸葛相持抑其甲兵本無  
鬪志遺其巾幘方發憤心杖節當門雄圖頓屈請戰  
千里詐欲示威且秦蜀之人勇懦非敵夷阻之路勞  
逸不同以此爭功其利可見而返閉軍固壘莫敢爭  
鋒生怯實而未前死疑虛而猶遁良弼之道失在斯



乎文帝之世輔翼權重許昌同蕭何之委崇華甚霍  
光之寄當謂竭誠盡節伊傳可齊及明帝將終棟梁  
是屬受遺二主佐命三朝既承忍虎之託曾無殉生  
之報天子在外內起甲兵陵土未乾遽相誅戮貞臣  
之體寧若此乎盡善之方以斯爲惑夫征討之策豈  
東智而西愚輔佐之心何前忠而後亂故晉明掩面  
耻欺僞以成功石勒肆言笑姦回以定業古人有云  
積善三年知之者少爲惡一日聞于天下可不謂然  
乎雖自隱過當年而終見嗤後代亦猶竊鍾掩耳以



衆人爲不聞。銳意盜金。謂市中爲莫覩。故知貪于近者。則遺遠。溺于利者。則傷名。若不損已以益人。則當禍人而福已。順理而舉。易爲力。背時而動。難爲功。况以未成之晉基。逼有餘之魏祚。雖復道格區宇。德被蒼生。而天未啓時。寶位猶阻。非可以智競。不可以力爭。雖則慶流後昆。而身終于北面矣。

太史公爲史記序論。發詞宕激。奔截不羈。推情研物理。達爲歸偶。儷之興端于後漢。晉紀因之。遂格一成。雖有駢麗之觀。若無篇章之法。今掇其清艷。



帝掩面覆牀斯爲得矣若有變置則又將以彼取  
尤耳

夫耳

帝外外非其意矣哉亦變盟限又非以刻取



晉書論

武帝紀論

制曰武皇承基誕膺天命握圖御宇敷化導民以佚  
代勞以治易亂絕縑綸之貢去彫琢之飾制奢俗以  
變儉約止澆風而反淳朴雅好直言畱心采擢劉毅  
裴楷以質直見容嵇紹許奇雖仇讐不棄仁以御物  
寬而得衆宏畧大度有帝王之量焉于時民和俗靜  
家給人足聿修武用思啓封疆決神算于深衷斷雄  
圖于議表馬隆西伐王濬南征師不延時獯虜削迹



兵無血刃、楊越爲墟、通上代之不通、服前王之未服、  
禎祥顯應、風教肅清、天人之功成矣、霸王之業大矣、  
雖登封之禮讓而不爲、驕泰之心因而斯起、見土地  
之廣、謂萬葉而無虞、覩天下之安、謂千年而永治、不  
知處廣以思挾、則廣可長、廣居治而忘危、則治無常、  
治加之、建立非所委、寄失才志、欲就于升平、行先迎  
于禍亂、是猶將適越者、指沙漠以遵途、欲登山者、涉  
舟航而覓路、所趣逾遠、所尚轉難、南北倍殊、高下相  
反、求其至也、不亦難乎、況以新習、易動之基、而無久



安難援之慮故賈克凶豎懷姦志以擁權楊駿豺狼  
苞禍心以專輔及乎宮車晚出諒闇未周藩翰變親  
以成疎連兵競滅其本棟梁回忠而起僞擁衆各舉  
其威曾未數年綱紀大亂海內版蕩宗廟播遷帝道  
王猷反居文身之俗神州赤縣翻成被髮之鄉棄所  
大以資人掩其小兒自託爲天下笑其故何哉良由  
失慎于前所以貽患于後且知子者賢父知臣者明  
君子不肖則家亡臣不忠則國亂國亂不可以安也  
家亡不以全也是以君子防其始聖人閑其端而世



祖或荀勗之奸謀、迷王渾之僞策、心屢移于衆口、事  
不定于已圖、元海當除而不除、卒令擾亂區夏、惠帝  
可廢而不廢、終始傾覆洪基、夫全一人者、德之輕、極  
天下者、功之重、棄一子者、忍之小、安社稷者、孝之大、  
況乎資三世而成業、延二孽以喪之、所謂取輕德而  
捨重功、畏小忍而忘大孝、聖賢之道、豈若斯乎、雖則  
善始于初、而垂令終于末、所以殷勤史策、不能無慷  
慨焉、

廢立之際、理所難言、晉祚延促、政不繇是、觀乎明



尤絕者存其什一以概大凡

元帝紀論

聖天子受天不祿自中流外在朝臣下  
大為焉則民懷其德德者美片光武以教  
是以一州之民皆為武宜條化情暢千里  
皆勞手而勤所謂後世不替先帝之德也  
故曰元帝之德也

大孫音奇其什一以跽大凡



晉書論

元帝紀論

史臣曰晉氏不虞自中流外五湖扛鼎七廟隳尊滔  
天方駕則民懷其舊德者矣昔光武以數郡加名元  
皇以一州臨極豈武宣餘化猶暢于琅琊文景垂仁  
傳芳于南頓所謂後乎天時先諸人事者也馳章獻  
號高蓋成陰星斗成祥金陵表慶陶士行擁三州之  
旅郢外以安王茂弘爲分陝之計江東可立或高旌  
未拂而遐心斯偃迴首朝陽仰希乾棟帝猶六讓不

居七辭而不免也。布帳練帷，詳刑譴化，抑揚前軌，光啓中興。古者私家不蓄甲兵，大臣不爲威福。王之常制，以訓股肱。中宗失馭，強臣自亡。齊斧兩京，胡羯風埃相望。雖復六月之駕，無聞而鴻鴈之歌。方遠享國，無幾哀哉。

興復之機，擊乎亂始。人心一安，難可更動。中宗擁容江表，坐無遠志。釋此不爲，後亦何及。



書論

安帝紀論

史臣曰、安帝卽位之辰、鍾無妄之日、道子元顯並傾  
朝政、主昏臣亂、未有不<sub>○</sub>如斯亡者也、雖有<sub>○</sub>手<sub>○</sub>握<sub>○</sub>戎<sub>○</sub>麾<sub>○</sub>、  
心<sub>○</sub>存<sub>○</sub>舊<sub>○</sub>國<sub>○</sub>、迴<sub>○</sub>首<sub>○</sub>無<sub>○</sub>良<sub>○</sub>、忽<sub>○</sub>焉<sub>○</sub>蕭<sub>○</sub>散<sub>○</sub>、于是桓玄乘釁勢踰  
鸞<sub>○</sub>指<sub>○</sub>、六師咸泯、隻馬徂遷、是以宋高非典午之臣、孫  
恩豈金行之寇、若乃世遇顛覆、則恭皇斯甚、于越之  
民、詎燠丹穴、會稽之侶、寧歎入臣、去皇屋而歸來、灑  
丹書而不恨、夫五運攸革、三微數盡、猶高秋彫候、理

五

卷之四



晉書論

王祥鄭沖何曾石苞傳論

史臣曰。若夫經爲帝師。鄭沖于焉無愧。孝爲德本。王祥所以當仁。何曾善其親。而及其親之黨者也。夏禹恭儉。殷因損益。牲牢服用。各有品章。諸侯不恒牛。命士不恒豕。禦而驕奢。其關乎治政。乘時立制。莫不由之。石崇學乃多聞。情乖寡悔。超四豪而取富。踰五侯而競爽。春畦霍靡。列于凝沍。之農錦障。逶迤亘以山川之外。撞鐘舞女。流宕忘歸。至于金谷含悲。吹樓將。

陸所謂高蟬處乎輕陰不知螳蜋襲其後也

名爲魏臣實晉所置不可後責以女貞之行者也  
石崇之富迴繇劫盜卽欲絢以自守亦豈得哉



晉書論

衛瓘張華傳論

史臣曰。夫忠爲令德。學乃國華。譬衆星之有禮義。人倫之有冠冕也。衛瓘撫武帝之牀。張華距趙倫之命。進諫則伯玉居多。臨危則茂先爲美。遵乎險轍。理有可言。昏亂方凝。則事睽其趣。松筠無暎。則死勝于生。固以赴蹈爲期。而不辭乎傾覆者也。俱陷淫網。同嗟承劍。邦家殄瘁。不亦傷哉。





晉書論

山濤傳論

史臣曰若居夫官以絜其務。欲以啓天下之方。事親以終其身。將以勸天下之俗。非山公之具美其孰能與于此者哉。自東京喪亂。吏曹湮滅。西園有三公之錢。菟陶有一州之任。貪饕方駕。寺署斯滿。時移三代。世歷九王。拜謝私庭。此焉成俗。若乃餘風稍殄。理或可言。委以銓綜。則群情自抑。通乎魚水。則專用生疑。將矯前失。歸諸後正。惠絕臣名。恩馳天口。世稱山公。

啓事者。豈斯之謂歟。若盧子家之前代。何足算也。  
後仕勇退。潔身無私。用免于辱。以令其聲。

山齋書



晉書論

周處周訪傳論

處字子隱子玘玘字宣佩玘子勰玘字宣季玘兄子筵訪字士達子撫撫子楚

楚子瓊瓊子楚

史臣曰夫仁義豈有常蹈之卽君子背之卽小人周子隱以駢馳之材負不羈之行比凶蛟猛獸縱毒鄉閭終能克已厲精朝聞夕改輕生重義徇國亡軀可謂志節之士也宣佩奮茲忠勇屢殄妖氛威畧冠于本朝庸績書于王府旣而結憾朝宰潛構異圖忿不思難斯爲隘矣終于憤恚豈不惜哉玘筵等負儁逸

之材以雄豪自許始見疑于朝廷終獲戾于權右彊  
弗如弱信有徵矣而札受委扞城乃開門揖盜去順  
效逆彼實有之後雖假手凶徒可謂罪人斯得朝廷  
議加榮贈不其僭乎有晉之刑政陵夷用此道也周  
訪器兼文武任在折衝哉定湘羅剋清江漢謀孫翼  
子杖節擁旄西蜀仰其威風中興推爲名將功成名  
立不亦美哉孟威陷迹虜廷抗辭僞主雖圖史靡載  
何以加焉

此論猶不失兩漢之規



晉書論

八王傳論

汝南王亮

楚王瑋

趙王倫

齊王冏

長沙王乂

成都王穎

河間王顥

東海王越

史臣曰昔高辛撫運釁起參商宗周嗣歷禍纏管蔡

詳觀曩冊逖聽前古亂臣賊子昭鑒在焉有晉鬱興

載崇藩翰分茅錫瑞道光恒典儀古飾衮禮備彝章

汝南有純和之姿失于無斷楚隱習果銳之性遂成

凶狠或位居朝右或職參近禁俱爲女子所詐相次

受誅雖曰自貽良可哀也倫寔庸璫見欺孫秀潛構



異圖煽成姦慝、乃使元良、遘怨酷、上宰陷誅夷、乾耀  
以之蹙傾、皇綱于焉中圯、遂裂冠毀冕、幸百六之會、  
綰璽揚纛、窺九五之尊、夫神器焉可偷、安鴻名豈容  
妄假、而欲託茲淫祀、享彼天年、凶闇之極、未之有也、  
四名父之子、唱義勤王、摧僞業于旣成、拯皇輿于已  
墜、策勲考績、良足可稱、然而臨禍忘憂、逞心縱欲、會  
不知樂不可極、盈難久持、笑古人之未工、忘已事之  
已拙、向若採王豹之奇策、納孫惠之嘉謀、高謝袞章、  
永表東海、雖古之伊霍、何以加焉、長沙材力絕人、忠



槩邁俗、投弓掖門、落落標壯夫之氣、馳居魏闕、懍懍  
懷烈士之風、雖復陽九數屯、在三之情、無奪撫其遺  
節、終始可觀、穎旣入總、大權出居重鎮、中臺藉以成  
務、東夏資其宅心、乃協契河間、共圖進取、而顯任李  
舍之狙詐、杖張方之陵虐、遂使武閔喪元、長沙授首、  
逞其無君之志、矜其不義之疆、鑾駕北巡、異乎有征  
無戰、乘輿西幸、非由望秩觀風、若火燎原、猶可撲滅、  
矧茲安忍、能無極乎、東海糾合同盟、創爲義舉、匡復  
之功、未立、陵暴之釁、以彰、罄彼車徒、固求出鎮、旣而



帝京寡弱，狡寇憑陵。遂令神器，刼遷宗社。顛覆數千  
萬衆，並垂餌于豺狼。三十六王，咸隕身于鋒刃。禍難  
之極，振古未聞。雖及焚如，猶爲幸也。自惠王失政，難  
起蕭牆，骨肉相殘。黎元塗炭，胡塵驚而天地閉。戎兵  
接而宗廟隳。支屬肇其禍端，戎羯乘其間隙。悲夫！詩  
所謂誰生厲階，至今爲梗。其八王之謂矣。

可矜可恨



晉書論

閻鼎索綝賈疋傳論

史臣曰。自永嘉蕩覆。寓內橫流。億兆靡依。人神乏主。于時武皇之胤。惟有建興。衆望攸歸。曾無與二。閻鼎等忠存社稷。志在經綸。乃契濶艱難。扶持幼孺。遂得纂堯承緒。祀夏配天。校績論功。有足稱矣。然而抗滔天之巨寇。接彫弊之餘基。威畧未申。尋至傾覆。昔宗周遭犬戎而東徙。有晉違獷狁而西遷。彼旣靈慶悠長。此則禍難遄及。豈愍皇地非奧主。將綝允材謝輔。

臣何脩短之殊途而成敗之異數者也



晉書論

桓溫傳論

史臣曰桓溫挺雄豪之逸氣韞文武之奇才見賞通人夙標令譽時旣豺狼孔熾疆場多虞受寄扞城用恢威畧乃踰越險阻戡定岷峨獨剋之功有可稱矣及觀兵洛汭修復五陵引飾秦郊威懷三輔雖未能梟除凶逆亦足以宣暢王靈旣而總戎馬之權居形勝之地自謂英猷不世勲績冠時挾震主之威蓄無君之制企景文而慨息想處仲而思齊睥睨漢廷窺



覲周鼎復欲立奇功于趙魏允歸望于天人然後步  
驟前王憲章虞夏逮乎石門路阻襄邑兵摧懟謀畧  
之乖違耻師徒之撓敗遷怒于朝廷委罪于偏裨廢  
主以立威殺人以逞欲曾弗知寶命不可以求得神  
器不可以力征豈不悖哉豈不悖哉斯實斧鉞之所  
宜加人神之所同棄然猶存極光寵沒享哀榮是知  
朝政之無章主威之不立也

溫旣懷奸頗欣追越石耻比王敦又何解也馭得  
其道未必不爲能臣也



宋書

詔令 奏議 雜著 史論

許清胤介夫 閩漳唐 璟君章

雲間顧在觀觀生輯評 顧之萃宗之叅訂

句章陳 裕廣生 陳 祐天生

武帝

諱裕字德興小名寄奴彭城人漢楚元王交之後也風骨奇特家貧有大志不治廉隅孫恩作亂晉將軍劉牢之東討請高祖參府軍事桓玄篡位收集義徒斬玄反正封豫郡公進爵宋王

元熙二年 晉帝禪位

修張良廟令

元興十三年以舟師北討軍次留城經張良廟

令曰夫盛德不泯義在祀典微管之歎撫事彌深張

子房道亞黃中，照隣殆庶，風雲言感，蔚爲帝師。大拯橫流，夷項定漢，固以參軌伊望，冠德如仁。若乃神交圯上，道契商洛，顯晦之間，窈然難究。源流淵浩，莫測其端矣。塗次舊沛，佇駕留城，靈廟荒殘，遺象陳昧，撫迹懷人，慨然永歎。過大梁者，或佇想於夷門，遊九原者，亦流連於隨會。可改構榱桷，修飾丹青，蘋蘩行潦，以時致薦，以紓懷古之情，用存不刊之烈。



武帝

酬功詔

永初元年夏六月

詔曰。夫銘功紀勞。有國之要典。慎終追舊。在心之所。隆。自大業創基。十有七載。世路迍邐。戎車歲動。自東徂西。靡有寧日。實賴將帥竭心。文武盡效。寧內拓外。迄用有成。威靈遠著。寇逆消蕩。遂當揖讓之禮。猥饗天人之祚。念功簡勞。無忘鑒寐。凡厥誠勤。宜同國慶。其酬賞復除之科。以時論舉。戰亡之身。厚加復贈。禪受之事。魏晉以下。齊形同態。然魏晉推於未墜。

宋氏收之既傾以此稱量猶爲有間



武帝

建學詔

永初三年春正月

詔曰古之建國、教學爲先、弘風訓世、莫尚於此。發蒙啓滯、咸必由之。故爰自盛王、迄于近代、莫不敦崇學藝、修建庠序。自昔多故、戎馬在郊、旂旗卷舒、日不暇給。遂令學校荒廢、講誦蔑聞。軍旅日陳、俎豆藏器、訓誘之風、將墜於地。後生大懼於墻面、故老竊歎于子衿。此國風所以永思、小雅所以懷古。今王畧遠屆、華域載清。仰風之士、日月以冀。便宜傳延、胄子。陶獎童

蒙。選備儒官。弘振國學。主者考詳舊典。以時施行。  
雖不盡實。亦急其名。智足以達務術。足以干道者。  
也。



文帝

誅徐羨之傳亮謝晦詔

元嘉三年少帝失德羨之等將謀廢立而廬

陵王義真輕動多過不任四海乃先廢義真然後廢帝

詔曰民生於三事之如一愛敬同極豈惟名教况乃  
施侔造物義在加隆者乎徐羨之傳亮謝晦皆因緣  
之才荷恩在昔擢自無聞超居要重卯翼而長未足  
以譬永初之季天禍橫流大明傾曜四海過密實受  
顧託任同負圖而不能竭其股肱盡其心力送往無  
復言之節事君闕忠貞之効將頽靡記匡救蔑聞懷

寵取容順成失德雖末因懼禍以建大策而逞其悖  
心不畏不義播遷之始謀肆醢毒至止未幾顯行怨  
殺窮凶極虐荼酷備加顛沛皂隸之手告盡逆旅之  
館都鄙哀愕行路飲涕故廬陵王英秀明遠徽風宿  
播魯衛之寄朝野屬情羨之等暴蔑求專忌賢畏逼  
造構貝錦成此無端罔主蒙上橫加流屏矯誣朝旨  
致茲禍害寄以國命而翦爲仇讎旬月之間再肆醢  
毒痛感二靈怨結人鬼自書契以來棄常安忍反易  
天明未有如斯之甚者也昔子家從弑鄭人致討宋



肥無辜、蕩澤爲戮、况逆亂倍於往釁、情痛深於國家、  
此而可容、孰不可忍、卽宜誅殛、告謝存亡、而于時大  
事甫爾、異同紛結、匡國之勲實著、莫大之罪未彰、是  
以遠酌民心、近聽輿訟、雖欲討亂、慮或難圖、故忍戚  
含哀、懷恥累載、每念人生實難、情事未展、何嘗不顧  
影慟心、伏枕泣血、今逆臣之釁彰、暴遐邇、君子悲情、  
義徒思奮、家讎國耻、可得而雪、便命司寇、肅明典刑、  
晦據有上流、成不卽罪、朕當親率六師、爲其遏防、可  
遣中領軍到彦之、卽日電發、征北將軍檀道濟、絡繹



繼路符衛軍府州以時收翦已命征虜將軍劉粹斷其走伏罪止元凶餘無所問感惟永往心情崩絕氛霧既祛庶幾治道爾

少帝有可廢之罪三人有社稷之憂其舉無失乎曰廢之可也殺之過矣文帝此誅爲當乎曰三人罪在少帝功在國家使無後慝隱之可也復有所逞情見勢著然後從之庶無恨於死矣



文帝

諱義隆小字車兒武帝第三子博涉經史善隸書永初元年封宜都王景平二年七月少帝廢

百官奉迎入

奉皇統卽位

舉士詔 元嘉十二年夏四月

詔曰周宗以寧寔由多士漢室之隆亦資得人朕寤寤樂賢爲日已久而俊哲難階明揚莫効用令遺才在野管庫虛朝永懷前載慙德深矣夫舉爾所知宣尼之篤訓貢士任官先代之成准便可宣敕內外各有薦舉當依方銓引以觀厥用



正人學業於古稀年以顯其才

立身之節自壯年而始其志於立身非易而實於內也

其志於立身非易而實於內也其志於立身非易而實於內也

其志於立身非易而實於內也其志於立身非易而實於內也

其志於立身非易而實於內也其志於立身非易而實於內也

其志於立身非易而實於內也其志於立身非易而實於內也

其志於立身非易而實於內也其志於立身非易而實於內也

其志於立身非易而實於內也其志於立身非易而實於內也



文帝

思仲尼詔

元嘉十九年冬十月

詔曰、胄子始集、學業方興、自微言泯絕、逝將千祀、感事思人、意有慨然、奉聖之胤、可速議繼襲、於先廟地、特爲營造、依舊給祠、直令四時饗祀、闕里往經寇亂、黷校殘毀、并下魯郡修復學舍、採召生徒、昔之賢哲、及一介之善、猶或衛其丘壟、禁其芻牧、況尼父德表生民、功被百代、而墳塋荒蕪、荆棘弗翦、可蠲墓側數戶、以掌洒掃、

禮有其意文稱其情非浮慕比也



文帝

勸農詔

元嘉十九年冬十月

詔曰。國以民爲本。民以食爲天。故一夫輟稼。饑者必及。倉廩旣實。禮節以興。自頃在所貧罄。家無宿積。賦役暫偏。則人懷愁墊。歲或不稔。而病之比室。誠由政德弗孚。以臻斯弊。抑亦耕桑未廣。地利多遺。宰守微化道之方。萌庶忘勤分之義。永言弘濟。明發載懷。雖制命亟下。終莫懲勸。而坐望滋殖。庸可致乎。有司其班宣舊條。務盡敦課。遊食之徒。咸令附業。考覈勤惰。

行其誅賞、觀察能殿、嚴加黜陟、古者躬耕帝籍、敬供  
粢盛、仰瞻前王、思遵令典、便可量處千畝、考卜元辰、  
朕當親率百辟、致禮郊甸、庶幾誠素、將被斯民、



孝武帝

諱駿字休龍文帝第三子也立爲武陵王元凶弑逆江夏王義恭奉表上尊號卽皇帝位

勸農甄上體制詔

孝建元年春正月

詔曰、首食尚農、經邦本務。貢士察行、寧朝當道、內難  
甫康、政訓未洽、衣食有仍、耗之弊、選造無觀、國之美、  
昔衛文勤民、高宗恭默、卒能收賢、嚴穴、大殷季年、朕  
每側席疚懷、無忘鑒寐、凡諸守蒞親民之官、可詳申  
舊條、勸盡地利、力田善蓄者、在所具以名聞、褒甄之  
科、精爲其格、四方秀孝、非才勿舉、獻答允值、卽就銓  
擢、若止無可採、猶賜除署、若有不堪酬奉、虛竊榮薦、

還田里。加以禁錮。尚書百官之元本。庶績之樞機。  
丞郎列曹局司有在。而頃事無巨細。悉歸令僕。非所  
以衆材成構。羣能濟業者也。可更明體制。咸責厥成。  
糾覈勤惰。嚴施賞罰。



孝武帝

仲尼廟祭詔

孝建元年冬十月

詔曰仲尼體天降德維周興漢經緯三極冠冕百王爰自前代咸加褒述典司失人用闕宗祀先朝遠存遺範有詔繕立世故妨道事未克就國難頻深忠勇奮厲實憑聖義大教所敦永惟兼懷無忘待旦可開建廟制同諸侯之禮詳擇爽塏厚給祭秩誅亂討逆名教所張是深識不言之功者

光緒二十五年正月

奉 諭 旨 著 該 部 知道

欽 此

光緒二十五年正月

奉 諭 旨 著 該 部 知道

欽 此

光緒二十五年正月

奉 諭 旨 著 該 部 知道

欽 此



孝武帝

修葺庠序詔

大明五年秋八月

詔曰。自靈命初基。聖圖重遠。參正樂職。感神明之應。崇殖禮園。奮至德之光。聲寔同和。文以均節。化調其俗。物性其情。故臨經式。奠煥乎炳發。道喪世屯。學落年永。獄訟微衰。息之術。百姓忘退。素之方。今息警夷。嶂恬波河渚。棧山航海。鄉風慕義。化民成俗。茲時篤矣。來歲可修葺庠序。旌延國胄。

孝武才優詞令。峻文厚飾。雖自矜負。刻彫之過有

傷自然工深章炳亦一時盛致也

...

...

...

...



孝武帝

赦賚詔

大明七年二月車駕巡南豫南充二州校獵于歷陽之烏江登六合山

詔曰朕受天慶命十一年於茲矣憑七廟之靈獲上帝之力禮橫四海威震八荒方巡三湘而奠衡嶽次九河而簡云岱今恢覽功成省風畿表觀民六合蒐校長洲騰沙飛礫平嶽盪海鼓晉合序鑄鉦協節獻鬯如禮饁獸傾郊敬舉王公之觴廣納士民之壽八風循通卿雲叢聚盡天罄瑞率宇竭歡思散大極之泉以福無方之外可大赦天下行幸所無出今歲租

布其逋租餘債勿復收賜民爵一級女子百戶牛酒  
刺字邑宰及民夫從蒐者皆加洽賚

區區一隅喟然秦王漢武何其不度也



孝武帝

出米贍恤詔

大明八年春二月

詔曰、去歲東境偏旱、田畝失收、使命來者、多至乏絕、或下窮流穴、頓伏街巷、朕甚閔之、可出倉米、付建康秣陵二縣、隨宜贍恤。若溫拯不時、以至捐棄者、嚴加糾劾。

罄國中力、以自養、極得意事、以明侈小仁私惠、亦何補焉。

詩經

卷中

自養

詩經卷中自養

詩經

詩經卷中自養

詩經卷中自養

詩經卷中自養

山來

人



明帝

諱或字休炳文帝第十一子也封湘東王廢帝未入朝被留將加禍害上先已與阮佃夫等合謀殞廢帝於後堂建安王休仁便稱臣奉引登御坐時起倉卒上失履跳至西堂猶著烏帽

愛民存儉詔

泰始二年冬十一月

詔曰治崇簡易化疾繁侈遠開隆替明著軌跡者也朕拯斯墜運屬此屯極仍之以凋耗因之以師旅而識昧前王務艱昔代俾夫舊賦旣繁爲費彌廣監寐萬務每思弘革方欲緩繇優調愛民爲先有司詳加寬惠更立科品其方物職貢各順土宜出獻納貢敬依時令凡諸蠹俗妨民之事趣末違本之業雕華靡





明帝

各舉所知詔

泰始五年秋九月

詔曰夫箕穎之操振古所貴冲素之風哲王攸重朕  
屬橫流之會接難晦之辰龕暴剪亂日不暇給今雖  
閑隴猶霽區縣澄氛偃武修文於是乎在思崇廉耻  
用靜馳薄固已物色載懷寢興竚歎其有貞栖隱約  
自事衡樊鑿坯遺榮負釣辭聘志恬江海行高塵俗  
者在所精加搜括時以名聞將貢國矜德茂昭厥禮  
羣司各舉所知以時授爵





武帝

追敘劉穆之表

劉穆之卒高祖在長安驚惋者數日馳還彭城表天子請追贈

臣聞崇賢旌善王教所先念功簡勞義深追遠故司  
勲秉策在勤必書德之休明沒而彌著故尚書左僕  
射前軍將軍臣穆之爰自布衣協佐義始內端謀猷  
外勤庶政密勿軍國心力俱盡及登庸朝右尹司京  
畿翼新王化敷讚百揆頃戎軍遠役居中作扞撫寄  
之勲實洽朝野方宣讚盛猷緝隆聖世志績未究遠  
邇悼心皇恩褒述班同三事榮哀兼備寵靈已厚臣



伏思尋自義熙草創、艱患未弭、外虞旣殷、內難彌結、時屯世故、靡歲甞寧、豈臣以寡乏、負荷國重、實賴穆之匡翼之益、豈唯讜言嘉謀、溢于民聽、若乃忠規遠畫、潛慮密謨、造膝詭辭、莫見其際、功隱於視聽、事隔於皇朝、不可稱紀、所以陳力一紀、克遂有成、出征入輔、幸不辱命、微夫人之左右、未有寧濟其事者矣、履謙居寡、守之彌固、每議及封賞、輒深自抑絕、所以勲高當年、而未沾茅社、撫事永傷、胡寧可昧、謂宜加贈正司、追甄土宇、俾大賚所及、永秩於善人、忠正之烈。



不泯於身後。臣契闊屯泰。旋觀始終。金蘭之分。義深情密。是以獻其乃懷。布之朝聽。

穆之於宋祖。委身草澤。起義之日。君臣已定。非夫身寄公朝。心懸私室者。例其亦優於荀彧。鍾繇諸人矣。

入苑

良齊公降公職其志在濟其有抑情

急生有求而愈急其志在濟其有抑情

神而具以應其心對市之陳

各歸我事則望與聞中亦雖時年以之



武帝

與臧燾書

燾爲太學博士參右將軍何無忌軍事隨府轉南將軍高祖鎮京口與燾

書

頃學尚廢弛，後進頽業，衡門之內，清風輟響，良由戎車屢警，禮樂中息。浮夫近志，情與事染，豈可不敷崇墳籍，敦厲風尚。此境人士，子侄如林，明發搜訪，想聞令軌。然荆玉含寶，要俟開瑩，幽蘭懷馨，事資扇發。獨習寡悟，義著周典，今經師不遠而赴，業無聞非，唯志學者，鮮或是勸誘，未至邪，想復弘之。





王弘

字元休琅邪人曾祖導晉丞相少好學以清  
射知名弱冠爲會稽王主簿宋國初建遷尚書僕

奏彈謝靈運

臣聞閑厥有家垂訓大易作威專戮致誠周書斯典  
或違刑茲無赦世子左衛率康樂縣公謝靈運方人  
桂興淫其嬖妾殺興江涘弃尸洪流事發京畿播聞  
遐邇宜加重劾肅正朝風案世子左衛率康樂縣公  
謝靈運過蒙恩獎頻叨榮授開禮知禁爲日已久而  
不能防閑閭闔致茲分穢罔顧憲軌忿殺自由此而



勿治、典刑將替、請以事見免、靈運所居官、上臺制爵  
土、收付大理治罪、御史中丞都亭侯王淮之、顯居要  
任、邦之司直、風聲噂沓、曾不彈舉、若知而弗糾、則情  
法斯撓、如其不知、則足昧已甚、豈可復預班清階、式  
是國憲、請免所居官、以侯還散輩、中內臺舊體不得  
用風聲舉彈、此事彰赫、曝之朝野、執憲茂聞、羣司循  
舊、國典旣頽、所虧者重、臣弘忝承人乏、位副朝端、若  
復謹守常科、則終莫之糾、政所以不敢拱默、自同秉  
斧、違舊之愆、伏須准裁、



身才通方及華海狂不...

於

位大

二

注

左

返

重

反

重

反

重

反

重

當

奏

八

二

天

卷之六



王弘

辭封位表

少帝景平二年徐羨之等謀廢立太祖卽位以定策安社稷進位司空封

建安郡公  
上表固辭

臣聞趙武稱隨會、夫子之家事治、言於晉國、無隱情、  
臣千載幸位、謬荷榮遇、雖以智能虛薄、政績蔑聞、而  
言無隱情、竊所庶幾、向今天啟其心、預定人策、而名  
編司勲、功不見紀、固將請不賞之罪、懸龍蛇之書、豈  
當稽違成命、苟修小節、但無功勤、暴之四海、進闕君  
子、勞心之謀、退微小人、勞力之效、而聖朝僭賞於上、

愚臣苟忝於下、則爲厚誣、當時永貽口實、竊財之誚、  
比此爲輕、惟塵盛猷、虧玷爲大、微躬所惜、一朝亦盡、  
非唯仰塵國紀、實亦俯畏友朋、憂心靡殄、胡顏靡託、  
且凡人之交、尚申知己、況在明主、可用理于、所以敢、  
遂愚狷、守之以死、

高祖佐命弘巳有勲太祖定策弘又有勲果難於  
記作之發中矣



謝晦

字宣明陳郡人高祖命爲太尉參軍晦涉獵文義朗瞻多邇以佐命功封武昌縣公轉領軍常

侍入直殿省高祖不豫與傅

亮徐羨之檀道濟並侍醫藥

舉兵表

太祖誅徐羨之及晦子世休等晦舉哀發問自出射堂配衣軍旅得精兵三萬

人乃

奉表

臣階緣幸會蒙武皇帝殊常之眷外聞政事內謀帷幄經綸夷險毘贊王業預佐命之勲膺河山之賞及先帝不豫導揚末命臣與故司徒臣羨之左光祿大夫臣亮征北將軍臣道濟等並升御牀跪受遺詔載貽話言託以後事臣雖凡淺感恩自厲送往事居誠

貫幽顯、逮營陽失德、自絕宗廟、朝野岌岌、憂及禍難、  
忠謀協契、徇國忘已、援登聖朝、惟新皇祚、陛下馳傳  
乘流、曾不惟疑、臨朝殷懃、增崇封爵、此則臣等赤心  
已亮於天鑒、遠近萬邦、咸達於聖旨、若臣等志欲專  
權、不顧國典、便當協翼幼主、孤背天日、豈復虛館七  
旬、仰望鸞旗者哉、故廬陵王於營陽之世、屢被猜嫌、  
積怨犯上、自貽非命、天祚明德、屬當昌運、不有所廢、  
將何以興、成人之美、春秋之高義、立帝清館、臣節之  
所司、夫不以賊遺君父、臣亦何負於宋室邪、况曩



結閹牆禍成畏逼天下耳目豈伊可誣臣忝居蕃任  
乃誠匪懈爲政小大必先啓聞糾剔羣蠻清夷境內  
分畱弟姪並侍殿省陛下聿遵先志申以婚姻童稚  
之目猥荷齒召薦女遷子合門相送事君之道義盡  
于斯臣羨之總錄百揆翼亮三世年耆乞退屢抗表  
疏優旨綢繆未垂順許臣亮管司喉舌恪虔夙夜恭  
謹一心守死善道此皆皇宋之宗臣社稷之鎮衛而  
讒人傾覆妄生國釁天威震怒加以極刑并及臣門  
同被孥戮雖未知臣道濟問推理卽事不容獨存先



帝顧託元臣翼命之佐、勦於佞邪之手、忠貞匪躬之  
輔、不免夷滅之誅、陛下春秋方富、始覽萬機、民之情  
僞、未能鑒悉、王弘兄弟、輕躁昧進、王華猜忌、忍害規  
弄威權、先除執政、以逞其欲、天下之人、知與不知、孰  
不爲之痛心憤怨者哉、臣等見任先帝垂二十載、小  
心謹慎、無纖介之愆、伏事甫爾、而嬰若斯之罪、若非  
先帝謬於知人、則爲陛下未察愚款、臣去歲未使反、  
得朝士及殿省諸將書、並言嫌隙已成、必有今日之  
事、臣雖誠仰期罔有二心、不圖姦回潛達、理順難恃、



忠賢隕朝、愚臣見襲、到彥之蕭欣等在近路、昔白公稱亂、諸梁嬰胄、惡人在朝、趙鞅入伐、臣義均休戚、任居分陝、豈可顛而不扶、以負先帝遺旨、輒率將士、繕治舟甲、須其自送、投袂撲討、若天祚大宋、卜世靈長、義師克振、中流清蕩、便當浮舟東下、戮此三豎、申理冤恥、謝罪闕庭、雖伏鎖赴鑊、無恨於心、伏願陛下遠尋永初託付之旨、近存元嘉奉戴之誠、則微臣升歎、猶有可察、臨表哽慨、言不自盡。

其辨甚明其情亦直從前之事未有失也今日之

舉果何爲乎

七



平玄保

太山人劉穆之舉為高祖鎮軍叅軍太祖以玄保廉素頻授名郡不營財利處家儉薄太

祖嘗曰仕宦非唯須才亦須運命每有好官缺我未嘗不思羊玄保

陳吏民亡叛制

玄保善奕太祖與賭郡戲勝以補宣城先是劉式之為宣城立

吏民亡叛制一人不會符伍里吏送作州郎若獲者賞位二階玄保以為非宜陳之

臣伏尋亡叛之由皆出於窮逼未有足以推存而樂

為此者也今立殊制於事為苦臣聞苦節不可貞懼

致流弊昔龔遂譬民於亂繩緩之然後可理黃羈以

寬和為用不以嚴刻為先臣愚以謂單身逃役便為

盡戶今一人不測坐者甚多既憚重負各為身計牽

挽逃竄必致繁滋又能禽獲叛身類非謹惜既無堪  
能坐陵勞吏名器虛假所妨實多將階級不足供賞  
服勤無以自勸又尋此制施一邦而已若其是邪則  
應與天下爲一若其非邪亦不宜獨行一郡民離憂  
患其弊將甚臣忝守所職懼難遵用致率管穴冒以  
陳聞

雖議存郡是大臣經國識也



裴松之

字世郎河東人博覽墳籍立身簡素義熙初為故鄣令元嘉中上使注陳壽三國志松之鳩集傳記增廣異國奏上上曰此為不朽矣

陳斷私碑表

松之以世立私碑有平事實上表陳之

碑銘之作以明示後昆自非殊功異德無以允應茲典大者道動光遠世所宗推其次節行高妙遺烈可紀若乃亮采登庸績用顯著敷化所莅惠訓融遠述詠所寄有賴鐫勒非私族也則幾乎僭黷矣俗敝僞興華煩已久是以孔惺之銘行是人非蔡邕制文每有愧色而自時厥後其流彌多預有臣吏必為建立

勒銘寡取信之實刊石成虛僞之常真假相蒙殆使  
合美者不貴但論其功費又不可稱不加禁裁其敝  
無已以爲諸欲立碑者宜悉令言上爲朝議所許然  
後聽之庶可以防遏無徵顯彰茂實使百世之下知  
其不虛則義信於仰止道孚於來葉

在晉已然於今宜甚不足取信於來茲空且受譏  
此日爲官長者亦何樂爲諂子嗤也



范泰

旱蝗表

元嘉三年泰進位侍中上以先朝舊臣恩禮甚重其年秋旱蝗上表

陛下昧且不顯求民之瘼明斷庶獄無倦政事理出羣心澤謠民口百姓翕然皆自以爲遇其時也災變雖小要有以致之守宰之失臣所不能究上天之譴臣所不敢誣有蝗之處縣官多課民捕之無益於枯苗有傷於殺害臣聞桑穀時亡無假斤斧楚昭仁愛不榮自瘳卓茂去無知之蟲宋均囚有異之虎蝗生有由非所宜殺石不能言星不自隕春秋之旨所宜

詳察禮婦人有三從之義而無自尊之道周書父子  
兄弟罪不相及女人被宥由來上矣謝晦婦女猶在  
上方始貴後賤物情之所甚苦匹婦一室亦能有所  
感激臣於謝氏不容有情蒙國重恩寢處思報伏度  
聖心已當有在禮春夏教詩無一而闕也臣近侍坐  
聞立學當在入年陛下經畧粗建意存民食入年則  
農功興農功興則田里闢入秋治庠序入冬集遠生  
二塗並行事不相害夫事多以淹稽爲戒不遠爲患  
任臣學官竟無微績徒墜天施無情自處臣之區區



不望目覩盛化、竊慕子囊城郢之心、庶免苟偃不瞑  
之恨、臣比陳愚見、便是都無可採、徒煩天聽、愧作反  
側

泰服事三朝、讜言必究、論出謝晦婦女一言、可以  
動天地矣、有畢之子、以頌其宗、何哉

懷天此矣亦畢之于以與其宗而若

泰則事三障難言必空能出諸難執文一言下以

怡

之則出此則愚且則其時無可釋於天即其時又  
不望自諸益外蘇慕于憂知雅之心其意其時不期



范泰

字伯倫順陽人高祖受命以泰領國子監酒景

平初加位特進泰博覽篇籍好為文章愛獎後

生孜孜

無倦

諫少帝封事

少帝在位多論愆失上封事極諫

伏聞陛下時在後園頗習武備鼓鞀在宮聲聞於外  
黷武掖庭之內諠譁省闈之間不聞將帥之臣統御  
之主非徒不足以威四夷祗生遠近之怪近者東寇  
紛擾皆欲伺國瑕隙今之吳會寧過二漢關河根本  
既挫于何不有如水旱成災役夫不息無寇而戒為  
費漸多河南非復國有羈虜難以理期此臣所以用

忘寢食而干非其位者也。陛下踐祚委政宰臣實同  
高宗諒闇之美而更親狎小人不免近習懼非社稷  
至計經世之道王言如絲其出如綸下觀而化疾於  
影響伏願陛下思弘古道武遵遺訓從理無滯任賢  
勿疑如此則天下歸德宗社惟永詩云一人有慶兆  
民賴之天高地卑無幽不察興衰在人成敗易曉未  
有政治在於上而人亂於下者也。臣蒙先朝過遇陛  
下殊私實欲盡心竭誠少報萬分而昏耄已及百疾  
互生便爲永違聖顏無復自盡之路貪及視息陳其



狂瞽陛下若能哀其所請留心覽察則臣夕殞於地

無恨九泉

州表

借建昌府才地謂宣時英及一二年  
間更望帶州及馬義軍不符志乃

前廢暴惡有非人情此處犯顏可謂致命

臣哀索餘生建辰稽業先帝追念功臣陛下及遺賤飾  
臣捐軀布軍備承從官委頓十有一載早惡慶泰脫  
然明而有志於學無得見之政有務在身無偏鑒

影響伏願陛下思弘古道式遵遺訓從理無滯任賢  
以純如此則天下歸德宗社維永詩云一人有慶兆  
民賴之天下無凶不察與衆在人成敗易曉未  
前刻暴惡育非人訛訛與與臣聞廷命遇遇陛  
無外此泉

外猶望不吝諄諄其後請留心覽察傾臣之能微此



王僧達

琅邪人太保弘少子太祖聞僧達蚤惠召見於德陽殿應對閑敏妻以臨川王女

求徐州表

僧達自負才地謂當時莫及一二年間更望宰相及爲護軍不得志乃啓

求徐

州

臣衰索餘生逢辰藉業先帝追念功臣睠及遺賤飾短捐陋布策稠采從官委禍十有一載早憑慶泰脫親盛明而有志於學無獨見之敏有務在身無偏鑒之識固不足建言世治備辯時宜竊以天恩不可終報尸素難可久處故猖狂蕪謬每陳所懷陛下孝誠發表義順動物自龍飛以來實應九服同歡三光再

朗而臣假視巷里借聽民謠黎民

闕三字

未締其感

遠近風議不獲稍進臣所用夙宵疾首寤寐疚心者也臣取之前載譬之於今當漢文之時可謂藉已成之業據旣安之運重以布衣菲食憂勤治道而賈誼披露廼誠猶有歎哭之諫况今承顛沛萬機惟始恩未及普信未遑周臣又聞前達有言天下重器也一安不可卒危一危亦不可卒安陛下神思淵通亦當鑒之聖慮竊謂今之務惟在萬有爲已家國同憂允從庶心從民之欲民有咨瘼之聲君表納隍之志下



有愆弊之苦。上無侈豫之情。又應官酌其才。爵疇其望。與失不賞。寧失不刑。至若樞任重司。藩扞要鎮。治亂攸寄。動靜所歸。百廢惟新。或可因而弗革。事在適宜。無或定其出處。天下多才。在所用之。臣非惟寄觀世路。謬識其難。卽之於身。詳見其弊。何者。臣雖得免臆面。書不入於學位。行無愆戾。自無近於才能。直以廢託門世。夙列榮齒。且近雖奔迸江路。歸命南關。竟何功效。可以書賞。而頓出內寵。陛下綢繆數旬之中。累發明詔。自非才畧有素。聲實相任。豈可聞而弗驚。



履而無懼、固宜退省身分、識恩之厚、不知報答、當在何期、夫見危致命、死而後已、皆殷勤前誥、重其忘生、臣感先聖格言、思在必効之地、使生獲其志、死得其所、如使臣享厚祿、居重榮、衣狐坐熊、而無事於世者、固所不能安也、今四夷猶警、國未忘戰、辮髮凶詭、尤宜裁防、間者天兵未獲已、肆其輕漢之心、恐戎狄貪、猶懷匪遜、脫以神州暫擾、中夏兵饑、容或遊覓塞內、重窺邊壘、且高秋在節、胡馬興威、宜圖其易蚤爲之所、臣每一日三省、志在報效、遠近小大、顧其所安。



受效偏方。得司者。則慮之所辦。情有不疑。若首統軍政。董勒天兵。旣才所不同。實誠亦非願。陛下矜諒已厚。願復曲體此心。護軍之任。臣不敢處。彭城軍府。卽時過立。且臣本在驅馳。非希崇顯。輕智小號。足以自安。願丞鑑恕。特賜申獎。則內外榮荷。存沒銘分。

三國擾攘。文義荒黥。兩晉風流。祖尚清遠。深淺不同。情有可見。宋氏君世。忍其琢彫。言取匿情。語爲招偶。初望其外。茫無以喻。尋迹其中。近乃在膚。可爲亂世之文也。歟。當時人心險誕。躁競相馳。骨肉

之間屠若羊豕君臣之義何止寇讐六十年間稱  
戈指闕至于八九恩義相全百無一二吁可謂亟  
矣文章盛衰閑乎理亂夫豈虛哉約旣附于作者  
不知剪裁繁蕪連篇都無閑寄將身猶亂代不足  
深怪者與



周朗

字義利汝南人少而愛奇雅有風氣初爲南平王鏐參軍又爲江夏王義恭參軍世祖卽位除

建平王參軍又除太子舍人出爲廬陵內史去

官爲州司所糾丁母艱每哭必慟不依常節上

使有司奏其居喪無禮詔曰朗悖禮利口宜令

剪戮鏐付邊郡傳送寧州於道殺之年三十六

讜言書

時普責百官讜言朗上書奏忤旨

昔仲尼有言治天下若寘諸掌豈徒言哉方策之政

息舉在人蓋當世之君不爲之耳況乃連鍾澆暮世

膺亂餘重以宮廟遭不更之酷江服被未有之痛千

里連苑萬井共泣而秦漢餘敝尚行於今魏晉遺謬

猶布於民是而望國安於今化崇於古卻行及前之

宋書

書

言積薪待然之譬。臣不知所以方。然陛下旣基之以  
孝。又申之以仁。民所疾苦。敢不畧薦。凡治者何哉。爲  
教而已。今教衰已久。民不知則。又隨以刑逐之。豈爲  
政之道歟。欲爲教者。宜二十五家選一長。百家置一  
師。男子十三至十七。皆令學經。十八至二十。盡使脩  
武。訓以書記。圖律忠孝仁義之禮。廉讓勤恭之則。授  
以兵經戰畧。軍部舟騎之容。挽彊擊刺之法。官長皆  
月至學。所以課其能。習經者五年有立。則言之司徒。  
用武者三年善藝。亦升之司馬。若七年而經不明。五



年而勇不達則更求其言政置謀迹其心術行履復不足取者雖公卿子孫長歸農畝終身不得爲吏其國學則宜詳考古數部定子史令書不煩行習無糜力凡學雖凶荒不宜廢也農桑者實民之命爲國之本有一不足則禮節不興若重之宜罷金錢以穀帛爲賞罰然愚民不達其權議者好增其異凡自淮以北萬匹爲市從江以南千斛爲貨亦不患其難也今且聽市至千錢以還者用錢餘皆用絹布及米其不中度者坐之如此則墾田自廣民資必繁盜鑄者罷

人死必息。又田非膠水，皆播麥菽，地堪滋養，悉藝紵麻，蔭巷緣藩，必樹桑柘，列庭接宇，唯植竹栗。若此，令既行而善其事者，庶民則叙之以爵，有司亦從而加賞。若田在草間，木物不植，則槌之而伐其餘樹，在所。以次坐之，又取稅之法，宜計人爲輪，不應以貲云。何使富者不盡，貧者不竭，乃令桑長一尺，圍以爲價，田進一畝，度以爲錢，屋不得瓦，皆責貲實。民以此樹不取種，土畏妄墾，棟焚榱露，不敢加泥，豈有剝善害民乎？惡食若此苦者，方今若重斯農，則宜務削茲法。



凡爲國不患威之不立。患恩之不下。不患土之不廣。患民之不育。自華夷爭殺。戎夏競威。破國則積屍竟邑。屠將則覆軍滿野。海內遺生。蓋不餘半。重以急政嚴刑。天災歲疫。貧者但共吏死。死者弗望藴。鰥居有不願娶。生子每不敢舉。又成淹徭久。妻老嗣絕。及姪奔所孕。皆復不收。是殺人之日。有數途。生人之日。無一理。不知復百年間。將盡以草木爲世邪。此最是驚心悲魂慟哭太息者。法雖有禁殺子之科。設蚤娶之令。然觸刑罪。忍悼痛而爲之。豈不有酷甚處邪。今宜家



寬其役。戶減其稅。女子十五不嫁。家人坐之。特雉。可  
以聘妻妾。大布可以事舅姑。若待足而行。則有司加  
糾。凡宮中女隸。必擇不復字者。庶家內役皆令各有  
所配。要使天下不得有終獨之生。無子之老。所謂十  
年存育。十年教訓。如此則二十年間。長戶勝兵。必數  
倍矣。又亡者亂郊。饑人盈旬。皆是不爲其存計。而任  
之遷流。故饑寒一至。慈母不能保其子。欲其不爲寇  
盜。豈可得邪。旣御之使然。復止之以殺彼於有司。何  
益至是。且草樹旣死。皮葉皆枯。是其梁肉盡矣。冰霜



已厚。苦蓋難資。是其衣裘敗矣。比至陽春。生其餘幾。  
今自江以南。在所皆穰。有食之處。須官興役。宜募遠。  
近能食五十口一年者。賞爵一級。不過千家。故近食。  
十萬口矣。使其受食者。悉令就佃淮南。多其長帥。給。  
其糧種。凡公私遊手。歲發佐農。令堤湖盡脩。原陸並。  
起。仍量家立社。計地設閭。檢其出入。督其游惰。須待。  
大熟。可移之後。舊淮以北。悉使南過江。東旅客盡令。  
西歸。故毒之在體。必割其緩處。函渭靈區。闢爲荒窟。  
伊洛神基。蔚成茂草。豈可不懷歟。歷下泗間。何足獨。



戀議者必以爲胡衰不足避而不知我之病甚於胡矣。若謂民之旣徙狄必就之若其來從我之願也胡若能來必非其種不過山東雜漢則是國家由來所欲覆育旣華得坐實戎空自遠其爲來利固善也。今空守孤城徒費財役亦行見淮北必非境服有矣不亦重辱喪哉使虜但發輕騎三千更互出入春來犯麥秋至侵禾水陸漕輸居然復絕於賊不勞而邊已困不至二年卒散民盡可躋足而待也。設使胡滅則中州必有興者決不能有秦土地率民人以歸國家



矣。誠如此，則徐齊終逼，亦不可守。且夫戰守之法，當恃人之不敢攻。頃年兵之所以敗，皆反此也。今人知不以羊追狼，蟹捕鼠，而令重車弱卒，與肥馬悍胡相逐，其不能濟，固宜矣。漢之終年能事胡者，以馬多也。胡之後服漢者，亦以馬少也。旣兵不可去，車騎應蓄，今宜募天下，使養馬一匹者，蠲一人役；三匹者，除一人爲吏。自此以進，階賞有差，邊亭徼驛，一無發動。又將者，將求其死也，自能執于戈，幸而不亡，筋力盡於戎役，其於望上者，固已深矣。重有澄風掃霧之勲，驅



波滌塵之力，此所自矜，尤復爲甚。近所功賞，人知其濃，然似頗謬虛實。怨怒寔衆，垂臂而反脣者，往往爲部耦語而呼望者，處處成羣。凡武人意氣，特易崩沮。設一旦有變，則向之怨者爲敵也。今宜國財與之共竭，府粟與之同罄。去者應遣，濃加寵爵，發所在祿之。將秩未充，餘費宜闕。他事負輦，長不應與。唯可教以蒐狩之禮，習以鉦鼓之節。若假勇以進，務黜其身。老至而罷，賞延於嗣。又緣淮城壘，皆宜興復，使烽鼓相望，兵食相連。若邊民請師，皆宜莫許。遠夷貢至，止於



執答語以國家之未暇示以何事而非君須內教既立徐料寇形辨騎卒四十萬而國中不擾取穀支二十歲而遠邑不驚然後越淮窮河跨龍出漠亦何適而不可又教之不敦一至於此今士大夫以下父母在而兄弟異計十家而七矣庶人父子殊產亦八家而五矣凡甚者乃危亡不相知饑寒不相卹又嫉謗讒害其間不可稱數宜明其禁以革其風先有善於家者卽務其賞自今不改則沒其財又三年之喪天下之達喪以其哀病衷出故制同外興日久均痛故

愈遲齊典、漢氏節其臣則可矣、薄其子則亂也、云何  
使衰苴之容盡、鳴號之音息、夫佩玉啓旒、深情弗忍、  
見珠視朝、不亦甚乎、凡法有變於古而刻於情、則莫  
能順焉、至乎敗於禮而安於身、必遽而奉之、何乃厚  
於惡、薄於善歟、今陛下以大孝始基、宜反斯謬、且朝  
享臨御、當近自身始、妃主典制、宜漸加矯正、凡舉天  
下以奉一君、何患不給、或帝有集皂之陋、后有帛布  
之鄙、亦無取焉、且一體炫金、不及伯兩、一歲美衣、不  
過數襲、而必收寶連櫝、集服累笥、目豈常視身未時



親。是爲櫝帶寶笥。簪衣空。散國家之財。徒奔天下之  
貨。而主以此惰禮。妃以此傲家。是何糜蠹之劇。或鄙  
之甚。逮至婢豎。皆無定科。一婢之身。重婢以使。一豎  
之家。列豎以役。瓦金皮繡。漿酒藿肉者。故不可稱紀。  
至有列輶以遊邀。飾兵以驅叱。不亦重甚哉。若禁行  
賜薄。不容致此。且細作始并。以爲儉節。而市造率怪。  
卽傳於民。如此則遷也。非罷也。凡天下得治者。以實。  
而治天下者。常虛。民之耳目。旣不可誑。治之盈耗。立  
亦隨之。故凡厥庶民。制度日侈。商販之室。飾等王侯。

傭賣之身。製均妃后。凡一袖之大。足斷爲兩。一裙之長。可分爲二。見車馬不辨貴賤。視冠服不知尊卑。尚方今造一物。小民明已。睥睨宮中。朝制一衣。庶家晚已。裁學侈麗之原。實先宮闈。又妃主所賜。不限高卑。自今以去。宜爲節目。金龜翠玉。錦繡縠羅。奇色異章。小民旣不得服。在上亦不得賜。若工人復造奇伎淫器。則皆焚之。而重其罪。又置官者。將以燮天平氣。贊地成功。防姦御難。治煩理劇。使官稱事。立人稱官。置無空樹散位。繁進冗人。今高卑貿實。大小反稱。名之



不定。是謂官邪。而世廢姬公之制。俗傳秦人之法。惡明君之典。好闇主之事。其憎聖愛愚。何其甚矣。今則宜先省事。從而并官。置位以周典爲式。變名以適時爲用。秦漢末制。何足取也。當使德厚者位尊。位尊者祿重。能薄者官賤。官賤者秩輕。纓冕紱佩。稱官以服。車騎容衛。當職以施。又寄土州郡。宜通廢罷。舊地民戶。應更置立。豈吳邦而有徐邑。揚境而宅堯民。上渚辰紀。下亂畿甸。其地如朱方者。不宜置州土。如江都者。應更建邑。又民少者。易理君。近者。易歸。凡吏皆宜。

每詳其能。每厚其秩。爲縣不得復用。恩家之貧。爲郡不得復選。勢族之老。又王侯識未堪務。不應彊仕。須合冠而啓封。能政而議爵。且帝子未官。人誰爲賤。但宜詳置賓友。選擇正人。亦何必列長史參軍。別駕從事。然後爲貴哉。又世有先後業有難易。明帝能令其兒不匹光武之子。馬貴人能使其家不比陰后之族盛矣哉。此於後世不可忘也。至當興抑碎首之忿。陛殿延辟戟之威。此亦復不可忘也。內外之政。實不可雜。若妃主爲人請官者。其人宜終身不得爲官。若請



罪者亦終身不得赦罪。凡天下所須者才，而才誠難知也。有深居而言寡，則蘊學而無由知；有卑處而事隔，則懷奇而無由進。或復見忌於親故，或亦遭讒於貴黨，其欲致車右而動御席，語天下而辯治亂焉，可得哉？漫言舉賢，則斯人固未得矣。宜使世之所稱通經達史、辨詞精數、吏能將謀、偏術小道者，使獵纓危軼，博求其用，制內外與官之官，遠近及仕之類，令各以所能而造其室，降情以誘之，卑身以安之，然後察其擢脣吻，樹頰肱，動精神，發意氣，語之所至，意之所

執。不過數四間。不亦盡可知哉。若忠孝廉清之比。疆  
正惇柔之倫。難以檢格立。不可須臾定。宜使鄉部求  
其行。守宰察其能。竟皆見之於選責。呈之於相。至。然  
後處其職宜。定其位用。如此。故應愚鄙盡捐。賢明悉  
舉矣。又俗好以毀沈人。不知察其所以致毀。以譽進  
人。不知測其所以致譽。毀徒皆鄙。則宜擢其毀者。譽  
黨悉庸。則宜退其譽者。如此。則毀譽不妄。善惡分矣。  
又旣謂之才。則不宜以階級限。不應以年齒齊。凡貴  
者好疑人少。不知其少於人矣。老者亦輕人少。不知



其不及少矣。自釋氏流教，其來有源。淵檢精測，固非深矣。舒引容潤，既亦廣矣。然習慧者日替，其脩束誠者月繁。其過遂至糜散錦帛，侈飾車從，復假粗醫術，託雜卜數，延妹滿室，置酒浹堂。寄夫託妻者不無。殺子乞兒者繼有。而猶倚靈假像，背親傲君，欺費疾老，震損宮邑。是乃外刑之所不容戮，內教之所不悔罪。而橫天地之間，莫不糾察，人不得然。豈其鬼歟。今宜申嚴佛律，禪重國令。其疵惡顯著者，悉皆罷遣。除則隨其藝行，各爲之條。使禪義經誦，人能其一，食不過



蔬衣不出布。若應更度者。則令先習義行。本其神心。必能草腐人天。竦精以往者。雖侯王家子。亦不宜拘。凡鬼道惑衆。妖巫破俗。觸木而言怪者。不可數。寓采而稱神者。非可笑。其原本是亂男女。令飲食。因之而以祈祝。從之。而以報請。是亂不誅。爲害未息。凡一苑始立。一神初興。淫風輒以之。而甚。今脩隄以北。置園百里。峻山以右。居靈十房。糜財敗俗。其可稱限。又針藥之術。世寡復脩。診脈之伎。人鮮能達。民因是益徵。凡。遂棄於醫。重令耗惑不反。死天復半。今大醫宜



男女習教。在所應遣吏受業如此。故當愈於媚神之  
愚。微正奏理之敝矣。凡無世不有言事。末時不有令  
下。然而升平不至。昏危是繼。何哉。蓋設令之本非實  
也。又病言不出於謀臣。事不便於貴黨。輕者抵訾呵  
駭。重者死壓窮擯。故西京有方調之誅。東郡有黨錮  
之戮。陛下若欲申堂令。循末典。則羣臣在焉。若欲改  
舊章。興王道。則微臣存矣。敢昧死以陳。唯陛下察之。  
用其術。則爲管大夫存。其說亦是。賈太傅亂邦昏  
世。何以有此奇才見殺。非不幸也。





江敦

讓婚表

宋世諸主莫不嚴婚太宗每疾之敦嘗尚世祖女上乃使人爲敦作表讓婚

伏承詔旨當以臨海公主降嬪榮山望表恩加典外  
顧審輜蔽伏用憂惶臣寒門頓族人凡質陋閭閻有  
對本隔天姻如臣素流室貧業寒年近將冠皆已有  
室荆釵布帛足得成禮每不自解無偶迄茲謀訪莫  
尋素族弗問自惟門慶屬降公主天恩所覃容及醜  
末懷憂抱惕慮不獲免微命所當果膺茲舉雖門貧  
宗榮於臣非幸仰緣聖貸冒陳愚實自晉氏以來配

尚王姬者。雖累經美貴。亟有名才。至如王敦懾氣。桓  
溫歛威。眞長佯愚。以求免子敬炙。足以違詔。王偃無  
仲都之質。而裸露以北階。何瑀闕龍工之姿。而投軀  
於深井。謝莊殆自同於矇室。殷冲幾不免於疆鉏。數  
人者。非無才意。而勢屈於崇貴。事隔於聞覽。吞悲茹  
氣。無所逃訴。制勒甚於僕隸。防閑過於婢妾。往來出  
入。人理之常。當賓待客。朋友之義。而令掃轍息駕。無  
關門之期。廢筵抽席。絕接對之理。非唯交友離異。乃  
亦兄弟踈闊。第令受酒肉之賜。制以動靜。監子荷錢。



傷理害義難以具聞。夫螽斯之德實致克昌專妒之行有妨繁衍。是以尚主之門往往絕嗣。駙馬之身通離鬻各以臣凡弱何以克堪。必將毀族淪門。豈伊身等前後嬰此其人雖衆然皆患彰遐邇事融天朝故吞言咽理無敢論訴。臣幸屬聖明矜照由道弘物以典處親以公臣之鄙懷可得自盡。如臣門分世荷殊榮足守前基便預提拂清宮顯宦或由才升一叨婚戚咸有恩假是以仰冒非宜披露丹實非唯止陳一已親全身願實乃廣申諸門憂患之切伏願天慈照

宋書  
察特賜蠲停使燕雀微羣得保叢蔚蠢物含生自己  
彌篤若恩詔難降披請不申便當刊膚剪髮投山竄  
海

嚴妒之害豈惟宋世畏忌之科不獨公主言之可  
悲



臧燾

字德仁東莞人少好學善三禮謝安始立國學徐克刺史謝玄舉燾爲助教義旗建燾爲太學

博士

四府君廟議

燾參高祖軍軍事入掌祠部時太廟鴟尾災燾謂著作郎徐廣曰

昔孔子在齊聞魯廟災曰必桓僖也今征西京兆四府君宜在毀落而猶列廟食此其徵乎乃議上

臣聞國之大事在祀與戎將營宮室宗廟爲首古先哲王莫不致肅恭之誠心盡崇嚴乎祖考然後能流淳化於四海通幽感於神明固宜詳廢興於古典循情禮以求中者也禮天子七廟三昭三穆與太祖而

七。自考廟以至祖考五廟。皆月祭之。遠廟爲祧。有二祧。享嘗乃止。去祧爲壇。去壇爲墀。有禱然後祭之。此宗廟之次。親疎之序也。鄭玄以爲祧者。文王武王之廟。王肅以爲五世六世之祖。尋去祧之言。則祧非文武之廟矣。周之祖宗。何云去祧爲壇乎。明遠廟爲祧者。無服之祖也。又遠廟則有享嘗之禮。去祧則有壇墀之殊。明世遠者。其義彌疎也。若祧是文武之廟。宜同月祭於太祖。雖推后稷以配天。由功德之所始。非尊崇之義。每有差降也。又禮有以多貴者。故傳稱德



厚者流光、德薄者流卑。又云自上以下降殺以兩禮也。此則尊卑等級之典。上下殊異之文。而云天子諸侯俱祭五廟何哉。又王祭嫡廟下及來孫而上祀之禮。不過高祖推隆恩於下流。替誠敬於尊屬。亦非聖人制禮之意也。是以秦始皇建廟從王氏議以禮父爲士子爲天子諸侯祭以天子諸侯其尸服以上服故上及征西以備六世之數。宣皇雖爲太祖尚在子孫之位。至於敬祭之日未申東向之禮。所謂子雖齊聖不先父食者矣。今京兆以上旣遷太祖始得居正議

者以昭穆未足。欲屈太祖於卑坐。臣以爲非禮典之  
旨。所與太祖而七。自是昭穆旣足。太祖在大世之外。  
非爲須滿七廟。乃得居太祖也。議者又以四府君神  
主宜永同於殷祫。臣又以爲不然。傳所謂毀廟之主。  
陳乎太祖。謂太祖以下先君之主也。故白虎通云。禘  
祫祭遷廟者。以其繼君之體。持其統而不絕也。豈如  
四府君在太祖之前。非繼統之主。無靈命之瑞。非王  
業之基。昔以世近而及。今則情禮已遠。而當長饗殷  
宗。永居太祖之位。求之禮籍。未見其可。昔永和之初。



大議斯禮于時虞喜范宣並以淵儒碩學咸謂四府  
君神主無緣永存於百世或欲瘞之兩階或欲藏之  
石室或欲爲之改築雖所秉小異而大歸是同若宣  
皇旣居羣廟之上而四主禘祫不已則大晉殷祭長  
無太祖之位矣夫理貴有中不必過厚禮與世遷豈  
可順而不斷故臣子之情雖篤而靈厲之謚彌彰追  
遠之懷雖切而遷毀之禮爲用豈不有心於加厚顧  
禮制不可踰爾石室則藏於廟北改築則未知所處  
虞主所以依神神移則有瘞埋之禮四主若饗祀宜

廢亦神之所不依也。准傍事例，宜同虞主之瘞埋。然  
經典難詳，羣言紛錯，非臣卑淺所能折中。

燾仕晉宋之間，然此晉廟議不應載入宋傳矣。且  
猶當屬之禮志也。班氏撰漢書二百年間七十萬  
言，識者尚謂其費詞。今約此書六十餘年事，年多  
與漢等此，又其無義據之甚者也。



孔琳之

字彥琳會稽人彊正有志力好文義解音律能彈棊妙善草隸辟本國常侍高祖永初二

年爲御史中丞

肉刑議

桓玄議復肉刑琳之議

唐虞象刑夏禹立辟蓋淳薄旣異致化寔同寬猛相濟惟變所適書曰刑罰世輕世重言隨時也夫三代風純而事簡故罕蹈刑辟季末俗巧而務殷故動陷憲網若三千行於叔世必省踊貴之尤此五帝不相循法肉刑不可悉復者也漢文發仁惻之意傷自新之路莫由革古創制號稱刑厝然名輕而實重反更

傷民故孝景嗣位輕之以緩緩而民慢又不禁邪期于刑罰之中所以見美在昔歷代詳論而未獲厥中者也。兵荒後羅法更多棄市之刑本斬右趾漢文一謬承而弗革所以前賢悵悵議之而未辯鍾繇陳羣之意雖小有不同而欲右趾代棄市若從其言則所活者衆矣降禿之生誠爲輕法然人情慎顯而輕昧忽遠而驚近是以盤盂有銘韋弦作佩況在小人尤其所惑或目所不視則忽而不戒日陳于前則驚心焉由此言之重之不必不傷輕之不必不懼而可



以全其性命。蕃其產育。仁既濟物。功亦益衆。又今之  
所患。遁逃爲先。屢叛不革。逃身靡所。亦以肅戒未犯。  
永絕惡原。至於餘條。宜依舊制。豈曰允中。貴獻管穴。

永隆元年。至外。猶宜。外。書。陳。豈。曰。又。中。貴。知。音。矣。  
北。原。張。公。去。嬰。姓。不。華。張。長。張。河。亦。以。補。元。未。里。  
以。全。其。出。命。若。其。宣。育。二。出。然。此。不。能。累。入。今。之。



袁豹

字士蔚陳郡人湛弟  
好學博文多覽典籍

大田議

豹遷劉毅撫軍諮議參軍領  
記室毅時建議大田豹上議

國因民以爲本民資食以爲天脩其業則教興崇其  
本則末理實爲治之要道致化之所階也不敦其本  
則末業滋章饑寒交湊則廉恥不立當今接篡僞之  
末值凶荒之餘爭源旣開彫薄彌啓榮利蕩其正性  
賦歛罄其所資良疇無側趾之耦比屋有困餒之患  
中間多故日不暇給自卷甲郤馬甫一二年積弊之  
黎難用克振實仁懷之所矜恤明教之所爰發也然



斯業不脩。有自來矣。司牧之官。莫或爲務。俗吏庸近。猶秉常科。依勸督之故典。迷民情之屢變。譬猶脩隄以防川。忘淵丘之改易。膠柱於昔弦。忽宮商之乖調。徒有考課之條。而無毫分之益。不悟清流在於澄源。止輪由乎高岡。患生於本治之於末。故也。夫設位以崇賢。疏爵以命士。上量能以審官。不取人於澄譽。則此同道息。游者言歸。游子旣歸。則南畝闢矣。分職以任務。置吏以周役。職不以無任立。吏必以非用省。冗散者廢。則萊荒墾矣。器以應用。商以通財。黜以罷之。



巧。素難得之貨。則彫僞者賤。穀稼重矣。耕耨勤悴。力  
殷。收寡。工商逸豫。用淺利深。增賈販之稅。薄疇畝之  
賦。則末技抑而田畯喜矣。居位無儀從之徒。在野靡  
兼并之黨。給賜非可恩致。力欲不入私門。則游食者  
反本。肆勤自勸。游食省而肆勤衆。則東作繁矣。密勿  
者甄異。怠慢者顯罰。明勸課之令。峻糾違之官。則嬾  
惰無所容。力田有所望。力者欣而惰者懼。則稽人勸  
矣。凡此數事。亦務田之端趣也。莅之以清心。鎮之以  
無欲。勗之以無倦。翼之以廉謹。舍日計之小成。期遠

致於莫歲則澆薄自淳。心化有漸矣。

此晉末初宋之文猶有夷曠之遺過比日尋於雙  
匹矣



孝武帝

檄京邑

劭弑太祖世祖及諸方鎮並舉義兵檄京邑

夫運不常隆，代有莫大之釁。爰自上葉，或因多難以  
成福，或階昏虐以兆亂。咸由君臣義合，理悖恩離，故  
堅冰之造，每鍾澆末。未有以道御世，教化明厚，而當  
梟鏡反噬，難發天屬者也。先帝聖德在位，功格區宇，  
明照萬國，道洽無垠。風之所被，荒隅變識；仁之所動，  
木石開心。而賊劭乘藉冢嫡，夙蒙寵樹，正位東朝，禮  
絕君后，凶慢之情，發於齟齬；猜忍之心，成於幾立。賊

濬陰躁無行。自幼而長。交相倚附。共逞奸回。先旨以  
王室不造。家難亟結。故含蔽容隱。不彰其釁。訓誘啓  
告。冀能革音。何悟狂慝不悛。同惡相濟。肇亂巫蠱。終  
行弑逆。聖躬離荼毒之痛。社稷有翦墜之哀。四海崩  
心。人神泣血。生民以來。未聞斯禍。奉諱驚號。肝腦塗  
地。煩寃膈臆。容身無所。大將軍諸王。幽閒窮省。存亡  
未測。徐僕射。江尚書。袁左率。皆當世標秀。一時忠貞。  
或正色立朝。或聞逆弗順。並橫分階闥。懸首都市。宗  
黨夷滅。豈伊一姓。禍毒所流。未知其極。昔周道告難。



齊晉勤王、漢曆中圯、虛年立節、異姓未屬、猶或亡軀、  
况幕府職同昔人、義兼臣子、所以枕戈嘗膽、苟全視  
息、志梟元凶、少雪仇耻、今命冠軍將軍領咨議中直  
兵柳元景、寧朔將軍領中直兵馬文恭等統勁卒三  
萬、風馳徑造石頭、分趨白下、輔國將軍領咨議中直  
兵宗慤等勒甲楯二萬、征虜將軍領司馬武昌內史  
沈慶之等領壯勇五萬、相尋就路、支軍別統、或焚舟  
破釜、步自姑熟、或迅檣蕪湖、入攄雲陽、凡此諸師、皆  
英果摧奇、智畧深贍、名震中土、勲暢遐疆、幕府親董



精悍一十餘萬、授律枕戈、駱驛繼邁、司徒獻哲淵謨、  
赫然震發、徵甲八州、電起荆郢、冠軍將軍臧質、忠烈  
協舉、雷動漢陰、冠軍將軍朱修之、誠節亮款、悉力請  
奮、荆讎百萬、稍次近塗、蜀漢之卒、續已出境、又安東  
將軍誕、平西將軍遵考、前撫軍將軍蕭思話、征虜將  
軍魯爽、前寧朔將軍王玄謨、並密信俱到、不契同期、  
傳檄三吳、馳軍宗邑、遠近俱發、揚於萬里、樓艦騰川、  
則滄江霧咽、銳甲赴野、則林薄摧根、謀臣智士、雄夫  
殺卒、奮志須時、懷憤待用、先聖靈澤、結在民心、逆順



大數冥發天理無父之國。天下無之。羽檄旣馳。華夷  
響會。以此衆戰。誰能抗禦。以此義動。何往不捷。況逆  
醜無親。人鬼所背。計其同惡。不盈一旅。崇極羣小。是  
與比周。哲人君子。必加積忌。傾海注壺。頽山壓卵。商  
周之勢。曾何足云。諸君或奕世貞賢。身缺皇渥。或勲  
烈肺腑。休否攸同。拘逼凶勢。俛睂寇手。含憤茹缺不  
可爲心。大軍近次。威聲已接。便宜因變立功。洗雪滓  
累。若事有不獲。能背逆歸順。亦其次也。如有守迷遂  
往。黨一凶類。刑茲無赦。戮及五宗。賞罰之科。信如日

月。原火一燎異物同灰幸求多福無貽後悔書到宣  
告咸使聞知

宋氏君世干戈屢動君臣相檄惟務修文前後錄  
襲如出一手此舉近正存以概餘



范曄

字蔚宗順陽人博涉經史善爲文章能曉隸書音律與孔熙先謝綜有逆謀同伏誅

獄中與甥姪書

曄自序並實故存之

吾狂釁覆滅豈復可言汝等皆當以罪人棄之然平生行已在懷猶應可尋至於能不意中所解汝等或不悉知吾少嬾學問晚成人年三十許政始有向耳自爾以來轉爲心化推老將至者亦當未已也徃徃有微解言乃不能自盡爲性不尋注書心氣惡小苦思便憤悶口機又不調利以此無談功至於所通解處皆自得之於胸懷耳文章轉進但才少思難所以



每於操筆其所成篇殆無全稱者常恥作文士文患  
其事盡於形情急於藻義牽其旨韻移其意雖時有  
能者大較多不免此累政可類工巧圖續竟無得也  
常謂情志所託故當以意爲主以文傳意以意爲主  
則其旨必見以文傳意則其詞不流然後抽其芬芳  
振其金石耳此中情性旨趣千條百品屈曲有成理  
自謂頗識其數嘗謂人言多不能賞意或異故也性  
別宮商識清濁斯自然也觀古今文人多不全也此  
處縱有會此者不必從根本中來言之皆有實證非



爲空談。年少中謝莊。最有其分。手筆差易。文不拘韻。  
故也。吾思乃無定方。特能濟難。適輕重。所稟之分。猶  
當謂盡。但多公家之言。少於事外。遠致以此爲恨。亦  
由無意於文名故也。本末關史書。政恒覺其不可解  
耳。旣造後漢。轉得統緒。詳觀古今著述。及評論殆少  
可意者。班氏最有高名。旣任情無例。不可甲乙。辨後  
贊於理。近無所得。唯志可推耳。博瞻不可及之。整理  
未必愧也。吾雜傳論。皆有精意深旨。旣有裁味。故約  
其詞句。至於循吏以下。及六夷諸序論。筆勢縱放。實



天下之奇作，其中合者往往不減過秦篇。嘗共比方班氏所作，非但不愧之而已。欲徧作諸志，前漢所有者，悉令備。雖事不必多，且使見文得盡。又欲因事就卷內發論，以正一代得失。意復未果，贊自是吾文之傑思。殆無一字空設，奇變不窮，同含異體，乃自不知所以稱之。此書行，故應有賞音者。紀傳例爲舉，其大略耳。諸細意甚多，自古體大而思精，未有此也。恐世人不能盡之多貴。古賤今，所以稱情狂言耳。吾於音樂聽功不及自揮，但所精非雅聲爲可恨。然至於一



絕處亦復何異邪、其中體趣、言之不盡、弦外之意、虛響之音、不知所從而來、雖少許處、而旨態無極、亦嘗以授人、士庶中未有一豪似者、此永不傳矣、吾書雖小小有意、筆勢不快、餘竟不成就、每愧此名、

羣於馬班之外、自由出機杼、論序推情、測理徃徃超絕、沈約竭力覃思、徒得其恒似耳、

雖其除世之覃思其所以耳

舉世無班之收自由然其信乎非前所賦賦非其賦

小小育意筆發不封繪竟不知其所以也

以對人士熟中未育一毫以音此永不轉矣吾書繼

書之音不吟詠然而來繼少指與而音然無辭亦嘗

餘與亦對何異然其中豈無言之不盡哉快之意盡



王微

字景玄瑯邪人太保弘弟子少好學無不通覽

善屬文能畫兼解音律醫方陽陽術數年十六  
州舉秀才不就素無宦情元  
嘉二十年卒時年二十九

與從弟僧綽書

江湛舉微爲吏部郎微與湛書  
曰其舉可陋其事不經微既爲

始興王府吏數相存慰微答踐書爲文右甚頗  
抑揚袁淑見之謂爲訴屈因此又與僧綽書

吾雖無人鑒要是早知弟每共宴語前言何嘗不以

止足爲貴且持盈畏滿自是家門舊風何爲一旦落

漠至此當局苦迷將不然也詎容都不先聞或可不

知耳衣冠胄胤如吾者甚多才能固不足道唯不傾

側溢詐士頗以此容之至於規矩細行難可詳料疹



疾日滋，縱恣益甚，人道所貴，廢不復脩。幸值聖明，兼容置之教外，且舊恩所及，每蒙寬假。吾亦自揆，疾疹重侵，難復支振。民生安樂之事，心死久矣。所以解日偷存，盡於大布糲粟，半夕安寢，便以自度。血氣盈虛，闕復稍道長，以大散爲和羹，弟爲不見之邪。疾廢居然，且事一已上不足，敗俗傷化，下不至毀辱家門，泊爾尸居，無方待化。凡此二三，皆是事實。吾與弟書，不得家中相欺也。州陵此舉，爲無所因，反覆思之，不能解。豈見吾近者諸牋邪？良可怪笑。吾少學作文，又



晚節如小進。使君公欲民不偷。每加存飾。訓辭尊貴。不厭敬恭。且文詞不怨。思抑揚則流澹無味。文好古。貴能連類可悲。一往視之。如似多意。當見居非求志。清論所排。便是通辭。訴屈邪。爾者真可謂真素寡矣。其數旦見客小防。自來盈門。亦不煩獨舉。吉也。此輩乃云語勢所至。非其要也。第無懷居。今地萬物初不以相非。然魯器齊虛。實宜書紳。今三署六府之人。誰表裏此內。儻疑第豫有力於素論。何如哉。則吾長阨不死。終誤盛壯也。江不過疆吹拂吾云。是巖穴人巖。



穴人情所高。吾得當此。則鷄鶩變作鳳皇。何爲于飾  
廉隅。秩秩見於面目。所惜者大耳。諸舍闔門。皆蒙時  
私。此旣未易陳道。故常因含聲不言。至兄弟尤爲叨  
竊。臨海頻煩二郡。謙亦越進清階。吾高枕家巷。遂至  
中書郎。此足以闔棺矣。又前年優旨。自弟所宣。雖夏  
后撫辜人。周宣及鰥寡。不足過也。語皆循檢校迹。不  
爲虛飾也。作人不阿諛。無緣頭髮見白。稍學諂詐。且  
吾何以爲足。不能行。自不得出戶。頭不耐風。故不可  
扶曳。家本貧餒。至於惡衣蔬食。設使盜跖居此。亦不



能兩展其足。妄意珍藏也。正今選官。設作此舉。於吾亦無劒戟之傷。所以懃懃。畏人之多言也。管子晉賢。乃關人主之輕重。此何容易哉。州陵亦自言視明聽聰。而返區區飾吾何辯致而下英俊。夫奇士必龍居深藏。與蛙蝦爲伍。放勲其猶難之。林宗輩不足識也。似不肯睠睠奉牋記。彫琢獻文章。居家近市廛。親戚滿城府。吾猶自知袁陽源輩。當平此不飾詐之與直。獨兩不關吾心。又何所耿介。弟自宜以解塞羣賢矣。兼悉怒此言。自爾家任兄故能也。日日望弟來。屬病。

終不起何意向與江書粗布胸心無人可寫此面乃  
具與弟書便覺成本以當半日相見吾旣惡勞不得  
多語樞機幸非所長相見亦不勝讀此書也

微高志擬中散文字奇曠竟亦其儔



傅亮

字季友北地人博涉經史尤善文詞桓玄篡位選爲秘書郎永初元以佐命功封公轉中書令

高祖不豫受顧命少帝廢亮

率行臺至江陵奉迎太祖

演慎論

亮見世路屯險著論名曰演慎

大道有言慎終如始則無敗事矣易曰括囊無咎慎  
不害也又曰籍之用茅何咎之有慎之至也文王小  
心大雅詠其多福仲由好勇馮河貽其苦箴虞書著  
慎身之譽周廟銘陞坐之側因斯以談所以保身全  
德其莫尙於慎乎夫四道好謙三材忌滿祥萃虛室  
鬼瞰高屋豐屋有蔀家之灾鼎食無百年之貴然而



狗欲厚生者、忽而不戒、知進忘退者、曾莫之懲、前車已摧、後鑒不息、乘危以庶安、行險而徼幸、於是有顛墜覆亾之禍、殘生夭命之釁、其故何哉、流溺忘反、而以身輕於物也、故昔之君子、同名爵於香餌、故傾危不及、思憂患而豫防、則鍼石無用、洪流璽於涓涓、合拱挫於纖蘖、介馬是式、色斯而舉、悟高鳥以風逝、鑑醴酒而投紱、夫豈敝著而後謀、通患結而後思、復云爾而已哉、故詩曰、慎爾侯度、用戒不虞、言防萌也、夫單以營內喪表、張以治外、失中齊秦有守一之敗、偏



恃無兼濟之功。冰炭滌於胸心。巖壙絕於四體。夫然。故形神偕全。表裏寧一。營魄內澄。百骸外固。邪氣不能襲。憂患不能及。然可以語至而言極矣。夫以嵇子之抗心希古。絕羈獨放。五難之根既拔。立生之道無累。人患殆乎盡矣。徒以忽防於鍾呂。肆言於禹湯。禍機發於豪端。逸翮鍛於衆舉。觀夫貽書良友。則匹厚味於甘醪。關八字其懼患也。若無轡而

乘奔。其慎禍也。猶履冰而臨谷。或振褐高樓。揭竿獨往。或保約違豐。安于卑位。故漆園外楚。忌在龜犧。商



洛遐邇、畏此駟馬、平仲辭邑、殷鑒於崔慶張臨、挹滿  
灼戒乎桑霍、若君子覽茲二塗、則賢鄙之分、旣明、全  
喪之實、又顯、非知之艱、慎之惟艱、慎也者、言行之樞  
管乎、夫據圖揮力、愚夫弗爲、臨淵登峭、莫不惴慄、何  
則、害交、故慮篤、患切而懼深、故詩曰、不敢暴虎、不敢  
馮河、慎微之謂也、故庖子涉族、怵然爲戒、差之一毫、  
弊猶如此、况乎觸害犯機、自投死地、禍福之具、內克  
外斥、陵九折於邛焚、泛衝波於呂梁、傾側成於俄頃、  
性命哀而莫救、嗚呼、嗚呼、故語有之曰、誠能慎之、福



之根也曰是何傷禍之門爾言慎而已矣

事兩篡主廢殺一帝一王以此言慎或未然矣

言其及

則其及

則其及

則其及

寧兩墓主竊葬一帝一王以此言始知未始

之葬也曰具何意漸之而不言則王也



鮑照

字明遠東海人文辭瞻逸世祖以照爲中書舍人上好爲文章自謂物莫能及照悟其旨爲文多鄙言累句當時咸謂照才盡實不然也

河清頌序

元嘉中河濟俱清當時以爲美瑞照爲河清頌其序甚工

臣聞善談天者必徵象於人工言古者先考績於今鴻犧以降遐哉邈乎鏤山岳彫篆素昭德垂勛可謂多矣而史編唐堯之功載格於上下樂登文王之操稱於昭于天素狐玄玉聿彰符命朴牛大鏡爰定祥曆魚鳥動色禾雉興讓皆物不盈皆而美溢金石詩人於是不作頌聲爲之而優庸非惑歟自我皇宋之

承天命也。仰符應龍之精，俯協河龜之靈。君圖帝寶，  
繁爛瑰英，固業光曩代，事華前德矣。聖上天飛踐極，  
迄茲二十四載，道化周流，玄澤汪濊，地平天成，上下  
含熙，文同軌通。表裏禔福，耀德中區。黎庶知讓，觀英  
遐表，夷貉懷惠。卹勤秩禮，罷露臺之金，紓國振民，傾  
鉅橋之粟，約違迫脅，奢去泰甚。燕無留飲，攻不盤樂。  
物色異人，優游據正，顯不失心，幽無怨氣。精炤日月，  
事洞天情。故不勞杖斧之臣，號令不嚴而自肅，無辱  
舉之使。靈怪不召而自彰，萬里神行，飄塵不起，農



商野廬邊城偃旂、冀馬南金、填委內府、馴象西園、充  
羅外囿、阿統綦組之饒、衣覆宗國、漁鹽杞梓之利、傍  
瞻荒遐、士民殷富、五陵既有慙德、宮宇宏麗、三川莫  
之能比、閭閻有盈、歌次無絕、朱輪疊轍、華冕重肩、豈  
徒世無窮人、民獲休息、朝呼韓罷酤鐵而已哉、是以  
嘉祥累仍、福應尤盛、青丘之狐、丹穴之鳥、栖阿閣、遊  
禁園、金芝九莖、木禾六刃、秀銅池、發膏畝、宜以協調  
律呂、謁薦郊廟、煙霏霧集、不可勝紀、然而聖上猶昧  
旦夙興、若有望而未至、閔規遠圖、如有追而莫及、神



明之貺。推而弗居也。是以琬碑鏐檢。盛典蕪而不治。朝神省方。大化抑而未許。崇文協律之士。蘊僊頌於外。坐朝陪宴之臣。懷掄揚於內。三靈佇睠。九壤注心。既有日矣。歲宮乾維。月躔蒼陸。長河巨濟。異源同清。澄波萬壑。潔瀾千里。斯誠曠世偉觀。昭啓皇明者也。語曰。影從表。瑞從德。此其効焉。宣尼稱鳳鳥不至。河不出圖。傳曰。俟河之清。人壽幾何。皆傷不可見也。然則古人所不見者。今殫見之矣。孟軻曰。千載一聖。是旦暮也。豈不大哉。夫四皇六帝。樹聲長世。大寶也。澤



浸羣生、國富刑清、鴻德也。制禮裁樂、惇風遷俗、文教也。殊華逋羯、束頸絳闕、武功也。鳴鳥躍魚、滌穢河渠、至祥也。大寶鴻德、文教武功、其崇如此。幽明協贊、民祇與能、厥應如彼。唯天爲大、堯實則之、皇哉唐哉、疇與爲讓、抑又聞之、勢之所覃者、淺則美之、所傳者、近道之所感者、深則慶之、所流者、遠是以豐功建命、潤色滕策、盛德形容、藻被歌頌。察之上代、則奚斯吉甫之徒、鳴玉鸞於前視之中古、則相如王褒之屬、施金羈於後絕、景揚光清、埃繼路。班固稱漢成之世、秦御

者千有餘篇。文章之盛。與三代同風。由是言之。斯廼  
臣子舊職。國家通義。不可輟也。臣雖不敏。寧不勉乎。  
如此之詞。當漢之盛。可屬下中。在當其時。便居上  
駟矣。文章降升。豈不以時哉。



書序

禮志序一

古者天子巡狩之禮、布在方策、至秦漢巡幸或以厭  
望氣之祥、或以希神仙之應、煩擾之役、多非舊典、唯  
後漢諸帝、頗有古禮焉、魏文帝值參分初創、方隅事  
多、皇輿亟動、晷無寧歲、蓋應時之務、又非舊章也、明  
帝凡三東巡、所過存問高年、恤人疾苦、或賜穀帛、有  
古巡幸之風焉、齊王正始元年、巡洛陽、賜高年力田  
各有差、晉武帝太始四年、詔刺史二千石長吏曰、古

古之王者以歲時巡狩方嶽其次則二伯述職不然則行人巡省。擇人誦志。故雖幽遐側微心無擁隔。人情上通。上指遠喻。至于鰥寡罔不得所用。垂風遺烈。休聲猶存。朕在位累載如臨深泉夙興夕惕明發不寐坐而待旦思四方水旱災眚爲之怛然勤躬紆已欲令事事當宜常恐衆吏用情誠心未著萬機兼猥慮有不周政刑失謬而弗獲備覽百姓有過在予一人惟歲之不易未遑卜征巡省之事人之未乂其何以恤之今使使持節侍中副給事黃門侍郎銜命四



周行天下親見刺史二千石長吏申喻朕心懇誠  
至意訪求得失損益諸宜觀省政治問人間患苦周  
典有之曰其萬人利害爲一書其禮俗政事教治刑  
禁之逆順爲一書其悖逆暴亂作慝犯令爲一書其  
札喪凶荒厄貧爲一書其康樂和親安平爲一書每  
國辨異之以反命于王以周知天下之故斯舊章前  
訓今率由之還具條奏俾朕昭然鑒于幽遠若親行  
焉大夫君子其各悉乃心各敬乃事嘉謀令圖苦言  
至戒與使者盡之無所隱諱方將虛心以俟其勉哉

易之稱朕意焉。摯虞新禮議曰：魏氏無巡狩故事，新禮則巡狩方岳，柴望告至，設壇宮，如禮，諸侯之覲，春禋及執贄，皆如朝儀，而不建其旗。臣虞案覲禮，諸侯覲天子，各建其旗章，所以殊爵命，示等威。詩稱君子至止，言觀其旂，宜定新禮，建旗如舊禮，然終晉世巡狩廢矣。

用成文作序論始於班史之載過秦



宋書序

禮志序

夫有國有家者、禮儀之用尚矣。然而歷代損益、每有不同、非務相改、隨時之宜故也。漢文以人情季薄、國喪革三年之紀、光武以中興崇儉、七廟有共堂之制。魏祖以侈或宜矯、終歛去襲稱之數。晉武以丘郊不異、二至并南北之祀、互相卽襲、以訖于今。豈三代之典不存哉、取其應時之變而已。且閔子譏古禮、退而致事、叔孫創漢制、化流後昆。由此言之、任已而不師。



古秦氏以之致亾師古而不適用王莽所以身滅然則漢魏以來各揆古今之中以通一代之儀司馬彪集後漢衆注以爲禮儀志校其行事已與前漢頗不同矣况三國鼎峙歷晉至宋時代移改各隨事立自漢末剝亂舊章乖弛魏初則王粲衛覲典定衆儀蜀朝則孟光許慈創理制度晉始則荀顗鄭沖詳定晉禮江左則荀崧刁協緝理乖紊其間名儒通學諸所論敘往往新出非可悉載今抄魏氏以後經國誕章以備此志云



宋書序

孝義傳序

易曰、立人之道、曰仁與義。夫仁義者、合君親之至理、實忠孝之所資、雖義發因心、情非外感。然企及之旨、聖哲詒言。至於風漓化薄、禮違道喪、忠不樹國、孝亦愆家、而一世之民、權利相引、仕以勢招、榮非行立、乏翔翔之感、棄舍生之分。霜露未改、大痛已忘於心、名節不變、戎車遽爲其首。斯並軌訓之理未弘、汲引之塗多闕。若夫情發於天、行成乎已、捐軀舍命、濟主安

親雖乖理闇主。匪由勸賞。而宰世之人。曾微誘激。乃至事隱闇闇。無聞視聽。故可以昭被圖篆。百不一焉。今采綴湮落。以備闕文云爾。



宋書序

隱逸傳序

易曰、天地閉、賢人隱、又曰、遯世無悶、又曰、高尚其事、  
又曰、幽人貞吉、論語作者七人、表以逸民之稱、又曰、  
子路遇荷蓀丈人、孔子曰、隱者也、又曰、賢者避地、其  
次避古、又曰、虞仲夷逸、隱居放言、品目參差、稱謂非  
一、請試言之、夫隱之爲言、迹不外見、道不可知之謂  
也、若夫千載寂寥、聖人不出、則大賢自晦、降夷凡品、  
止於全身遠害、非必穴處巖栖、雖藏往得二、鄰亞宗

極而舉世莫窺萬物不覩若此人者豈肯洗耳潁濱  
皦皦然顯出俗之志乎遯世避言卽賢人也夫何適  
非世而有避世之因固知義惟晦道非曰藏身至於  
巢父之名卽是見稱之號號曰裘公由有可傳之迹  
此蓋荷蓀之隱而非賢人之隱也賢人之隱義深於  
自晦荷蓀之隱事止於違人論亦旣殊原心亦異也  
身與運閉無可知之情雞黍宿賓示高世之美運閉  
故隱爲隱之跡不見違人故隱用致隱者之目身隱  
故稱隱者道隱故曰賢人或曰隱者之異乎隱旣聞



其說賢者之同於賢、未知所異、應之曰、隱身之於晦、  
送、名同而義殊、賢人之於賢者、事窮於亞聖、以此爲  
言、如或可辨、若乃高尚之與作者、三避之與幽人、及  
逸民隱居、皆獨往之稱、雖復漢陰之氏、不傳河上之  
名、不顯、莫不、激貪厲俗、秉自異之姿、猶負揭日月、鳴  
建鼓而趨也、陳郡袁淑、集古來無名高士、以爲真隱、  
傳格以斯談、去真遠矣、賢人在世、事不可誣、今爲隱  
逸篇、虛置賢隱之位、其餘夷心俗表者、蓋逸而非隱、

言此近可獲其意而向之與非者三戰之與幽人其  
言谷同而義殊其人之外資其車與然近聖以此為  
其義與沐之同外資其沐而異其之口則也其外其



宋書論

孝武帝紀論

史臣曰。役已以利天下。堯舜之心也。利已以及萬物。中主之志也。盡民命以自養。桀紂之行也。觀大明之世。其將盡民命乎。雖有周公之才之美。猶終之以亂。何益哉。





宋書論

明帝紀論

史臣曰。聖人立法垂制。所以必稱先王。蓋由遺訓餘風。足以貽之來世也。太祖負辰南面。實有君人之懿焉。經國之義雖弘。而隆家之道不足。彭城王照不窺古本。無卓爾之姿。徒見昆弟之義。未識君臣之禮。冀以此家情行之。國道主猜而猶犯。恩薄而未悟。致以呵訓之微行。遂成滅親之大禍。開端樹隙。垂之後人。雖天倫之重。義殊凡歲。而中人以下。情由恩變。至於

易衣而出。分苦而食。與夫別宮異門。形疎事隔者。宜有降矣。太宗因易隙之情。據已行之典。剪落洪枝。願不待慮。旣而本根無庇。幼主孤立。神器以勢弱傾移。靈命隨樂推回改。斯蓋履霜有漸。冰堅自至。所從來遠也。

休文之作。竭力追踪。欲步范曄至其佳處。亦往往近之。



宋書論

禮志論

史臣曰、聞樂不怡、故申情於過密、至於諒闇奪服、慮政事之荒廢、是以乘權、通以設變、量輕重而降屈、若夫奏音之與寢聲、非有損益於機務、縱復回疑於兩端、固宜緣恩而從戚矣。宋世國有故廟祠、皆懸而不樂。





宋書論

孝武帝紀論

史臣曰。役已以利天下。堯舜之心也。利已以及萬物。中主之志也。盡民命以自養桀紂之行也。觀大明之世。其將盡民命乎。雖有周公之才之美。猶終之以亂。何益哉。

詩八首

可與何人列命于岐齊周公之志美備於之以顯  
中主之志也萬姓命以自義無歸之曰助助大則之  
與計計也與世天不與終之心也與占以文與  
與天與地與



宋書論

後廢帝紀論

史臣曰喪國亾家之王雖適未同途發軫或異也前  
廢帝早遊褻幸皆龍駕帝飾傳警清路蒼梧王則藏  
璽懷紱魚服忘反危冠短服匹馬孤征至於殞身覆  
祚其理若一姬夏之隆質文異尚亾國之道其亦然  
乎





# 宋書論

## 謝晦傳論

史臣曰、謝晦坐璽封違謬、遂免侍中、斯有以見高祖之職治、宰臣之稱職也、夫拏力所施、事行重疊、左黜或用、義止輕愆、輕愆物之所輕、重疊人之所重、故斧鉞希行于世、微簡日用於朝、雖貴臣細故、不以任隆弛法、至于下肅上尊、用此道也、自太祖臨務、茲典稍違、網以疏行、法爲恩息、妨德害美、抑此之由、降及大明、傾詖愈甚、自非許竊深私、陵犯密諱、則左降之科、

不行於權威、若有身觸盛旨、釁非國刑、免書裁至、弔  
客固望其門矣、由是律無恒條、上多弛行、綱維不舉、  
而綱目隨之、所以吉人防著在微、慎大由小、蓋爲此  
云、

儒林新編

卷一百一十五



宋書論

朱齡石

朱超石

毛修之

傅弘之傳論

史臣曰、三代之隆、畿服有品、東漸西被、無遺遐荒、及漢氏闢土、通譯四方、風教淺深、優劣已遠、晉室播遷、來宅揚越、關朔遙阻、隴汧遐荒、區甸分其內外、山河判其表裏、而羗戎雜合、久絕聲教、固宜待以荒服、羈縻而已也、若其懷道畏威、奉王受職、則通以書軌、班以王規、若負其阻遠、屈疆邊垂、則距險閉關、禦其寇暴、桓溫一世英人、志移晉鼎、自非兵屈西湖、戰劔枋

頭則光宅之運。中季允集。高祖無周世累仁之基。欲力征以君四海。實須外積武功。以收天下人望。止欲挂旆龍門。折衝冀趙。跨功桓氏。取高昔人。地未闢於東晉。威獨振於江南。然後可以變國情。恩民志。撫歸運而膺寶策。豈不知秦川不足供養。百二難以傳後哉。至舉咸陽而棄之。非失策也。此四將藉歸衆難固之情。已至於俱陷。爲不幸矣。

桓劉二氏並借外功。以威內志。惟事有勝敗。故篡有成否。其情得矣。中州之地。帝圖王籙。於是焉存。



宋書論

王華傳論

史臣曰、元嘉初、誅滅宰相、蓋王華孔寧子之力也、彼羣公議、雖往結恩、實今疎、而任卽曩權、意非昔主、居上六之窮爻、當來寵之要轍、顛覆所基、非待他爻、況於廢殺之重、其隙易乘乎、夫殺人而取其璧、不知在已、興累、傾物而移其寵、不忌自我、難持、若二子永年、亦未知來禍所止也、有能解彼而悟此、則所望於來哲、

語言之出可以永思惟理趣不窮也如此故是畢  
之後勁



謝靈運

陳郡人祖玄靈運少好學文章之美江左莫逮性豪奢車服鮮麗衣裳器物多改舊制世共宗之咸稱謝康樂也

山居賦序

靈運移籍會稽修營別業傍山帶江盡幽居之美作山居賦并自注以言

其事

古巢居穴處曰巖棲。棟宇居山曰山居。在林野曰丘園。在郊郭曰城傍。四者不同。可以理推。言心也。黃屋實不殊於汾陽。卽事也。山居良有異乎市廛。抱疾就閑。順從性情。敢率所樂。而以作賦。楊子雲云。詩人之賦麗以則。文體宜兼。以成其美。今所賦旣非京都宮

觀遊獵聲色之盛。而叙山野草木水石穀稼之事。才  
乏。昔人心放俗外。詠於文則可勉。而就之求麗。邈以  
遠矣。覽者廢張左之艷辭。尋臺皓之深意。去飾取素。  
儻值其心耳。意實言表。而書不盡。遺迹索意。託之有  
賞。

康樂在朝。構扇同異。執政患苦出之。永嘉山水之  
好。非其情也。至於鹵悖。屢著流頓。不悅死而無悔。  
豈以代爲晉臣。欲爲所爲。如所謂子房奮魯連耻  
者。坎凜失志。以至斯耶。



宋書論

謝靈運傳論

史臣曰、民稟天地之靈、含五常之德、剛柔迭用、喜愠分情、夫志動於中、則歌詠外發、六義所因、四始攸繫、升降謳謠、紛披風什、雖虞夏以遺文不覩、稟氣懷靈、理無或異、然則歌咏所興、宜自生民始也、周室旣衰、風流彌著、屈平宋玉、導清源於前、賈誼相如、振芳塵於後、英辭潤金石、高義薄雲天、自茲以降、情志愈廣、王褒劉向、楊班崔蔡之徒、異軌同奔、遞相師祖、雖清



辭麗曲時發乎篇而蕪音累氣固亦多矣若夫平子  
艷發文以情變絕唱高蹤久無嗣響至于建安曹氏  
基命二祖陳王咸蓄盛藻甫乃以情緯文以文被質  
自漢至魏四百餘年辭人才子文體三變相如巧爲  
形似之言班固長於情理之說子建仲宣以氣質爲  
體並標能擅美獨映當時是以一世之士各相慕習  
原其飈流所始莫不同祖風騷徒以賞好異情故意  
襲相詭降及元康潘陸特秀律異班賈體變曹王縉  
旨星稠繁文綺合綴平臺之逸響採南皮之高韻遺



風餘烈，事極江左。有晉中興，玄風獨振。爲學窮於枉  
下，博物止乎七篇。馳騁文辭，義單乎此。自建武暨乎  
義熙，歷載將百。雖綴響聯辭，波屬雲委，莫不寄言上  
德，託意玄珠。遵麗之辭，無聞焉爾。仲文始革孫許之  
風，叔源大變太元之氣。爰逮宋氏，顏謝同聲。靈運之  
興，令標舉。延年之體，裁明密。並方軌前秀，垂範後昆。  
若夫敷衽論心，商榷前藻，工拙之數，如有可言。夫五  
色相宣，八音協暢。由乎玄黃律呂，各適物宜。欲使宮  
羽相變，低昂互節。若前有浮聲，則後須切響。一簡之



內音韻盡殊兩句之中。輕重悉異。妙達此旨。始可言  
文。至於先士茂製。諷高歷賞。子建函京之作。仲宣霸  
岸之篇。子荆零雨之章。正長朔風之句。並直舉胷情。  
非傍詩史。正以音律調韻。取高前式。自騷人以來。此  
祕未覩。至於高言妙句。音韻天成。皆闇與理合。匪由  
思至。張蔡曹王。曾無先覺。潘陸謝顏。去之彌遠。世之  
知音者。有以得之。知此言之非謬。如曰不然。請待來  
哲。

豔盛綺麗寂寞玄譚斯固江左固疾歷世不化

者也



至謂秦川百二不知供養難以傳後有以見約之  
狃於偏安溺無遠識矣將繇淪沒旣久聞見積成  
使之然乎亦可悲哉

隙

商帝武丁

延未絕至於高言妙句音韻天成皆間與理合匪由  
思至張蔡曹王曾無先覺潘陸謝頤去之獨遠世之  
知斯之然乎亦匪悲哉言之非謬如口不然請待來  
世以副安爾無數錯矣非謠倫矣瑯入閨泉蘇如  
至簡素川百二不映其養鑠以軒新育以具條之



南齊書

詔令

奏議

雜著

史論

顧在觀觀生

吳興吳景先來許

雲間

許清胤介夫輯評

顧之華宗之叅訂

句章陳

裕廣生

陳

祐天生

高帝

諱道成字紹伯姓蕭氏漢相國何二十四世孫也宋明帝立為右將軍明帝崩蒼梧王立桂陽

王休範舉兵於尋陽太祖平之威名既重蒼梧

王深相猜忌太祖密謀廢殺迎立順帝封十郡

為齊公進爵

王宋帝渾位

建學詔

建元四年春正月

詔曰夫膠庠之典彛倫攸侁所以招振才端啓發性

緒弘字黎氓，納之軌義，是故五禮之迹可傳，六樂之容不泯。朕自膺曆受圖，志闡經訓，且有司群僚奏議咸集，蓋以戎車時警，立教未宣，思樂泮宮，永言多慨。今闢燧無虞，時和歲稔，遠邇同風，華夷慕義，便可式遵。前准修建教學，精選儒官，廣延國胄。

齊高在位日淺，詔令未弘。史謂博涉經史，善屬文，亦竟如斯已。



高帝

荅劉善明

建元年月劉善明建啓宣陽門  
表陳立明守宰賞罰立學較制齊禮  
廣開賓館  
以接荒民

具卿忠讜之懷。夫賞罰以懲守宰。飾館以待遐荒。皆  
古之善政。吾所宜勉。更撰新禮。或非易制。國學之美  
已敕公卿。宣陽門今敕停寡德多闕。思復有聞。

卷三



武帝

諱贍字宣遠太祖長子生於建康清溪宅太祖卽位爲皇太子建元四年三月太祖崩卽位

清溪宮詔

永明二年秋七月

詔曰夫樂所自生先哲垂誥禮不忘本積代同風是以漢光逕回於甬陽魏文殷勤於譙國清溪宮體天含暉則地栖寶光定靈源允集符命在昔期運初開經綸方遠繕築之勞我則未暇時流事往永惟嘆咽朕以寡薄嗣奉鴻基思存締構式表王迹考星創制揆日興功子來告畢規摹昭備宜申釁落之禮以暢感尉之懷可克日小會





武帝

蠲卹詔

永明七年  
春正月

詔曰。春頒秋斂。萬邦所以惟懷。柔遠能邇。兆民所以  
允殖。鄭渾宰邑。因姓立名。王澤剖符。戶口殷盛。今產  
子不育。雖炳常禁。比問所在。猶或有之。誠復禮以貧  
殺。抑亦情由俗。淡宜節以嚴威。敦以惠澤。王者尋舊  
制。詳量附定。蠲卹之宜。務存優厚。

齊武廟業勤政卹民人於其時迄可小康

一

Blank manuscript page with vertical columns.



明帝

諱鸞字景初始安貞王道生子也少孤太祖撫育恩過諸子封西昌侯太子廢海陵王以上八

纂太

祖

視辭詔

建武元年冬十二月

詔曰上覽易遺下情難達是以甘棠見美肺石流詠  
自月一視黃辭如有含枉不申懷直未舉者佐民之  
司並任厥失





明帝

修理晉帝諸陵詔

建武二年冬十一月

詔曰。舊國都邑。望之悵然。况乃自經。南面負宸宸居。武功濟當時。德覃一世。而塋墟積穢。封樹不修。豈直嗟深牧豎。悲世信陵而已哉。昔中京淪覆。鼎玉東遷。晉元締構之始。簡文遺詠在民。而松門夷替。堦路榛蕪。雖年伐殊往。撫事興懷。晉帝諸陵。悉加修理。并增守衛。

內殘同氣。遠存異寢。本末未測。厚薄安歸。

四國之民皆歸之於水木之德也

下

齊世祖武皇帝在位時天下太平

齊世祖武皇帝在位時天下太平

齊世祖武皇帝在位時天下太平

齊世祖武皇帝在位時天下太平

齊世祖武皇帝在位時天下太平

齊世祖武皇帝在位時天下太平

齊世祖武皇帝在位時天下太平



王儉

字仲寶琅邪人祖曇首父綰綽幼有神彩專心篤學袁粲言之宋明帝尚陽羨公主太祖爲太

尉引爲長史恩禮隆密專見任用

求解選表

先是詔儉三日一還朝尚書令史出外諮事上以往日煩數復詔儉尚書

下省月聽十日出外儉啓求解選不許七十乃上表

表曰臣比年辭選具簡天朝欵言彰於侍接丹誠布於朝野物議不以爲非聖心未垂矜納臣聞知慧不如明時求之微躬實允斯義妄庸之人沈浮無取命偶休泰遂踐康衢秋葉辭條不假風颺之力太陽躋景無俟螢燭之暉晦往明來五德遞運聖不獨治八

元亮采臣逢其時而叨其位常總端右亟管銓衡事涉兩朝歲綿一紀盛年已老孫孺巾冠人物徂遷逝者將半三考無聞九流寂寞能官之詠輟響於當時大車之刺方興於來日若夫珥貂衣袞之貴四輔六教之華誠知匪服職務差簡端揆雖重猶可勉勵至於品藻之任尤懼其阻夙宵慶竭屢試無庸歲月之久近世罕比非唯悔吝在身故乃惟塵及國方今多士盈朝群才競爽選衆而授古亦何人冒陳微翰必希天照至敬無文不敢煩黷



褚淵王儉皆宋親暱爲齊元勲然儉之器量聞  
實有過人齊氏父子以委仗特深也





王融

字元長琅邪人祖僧達中書令僧達咨宋孝武云亡父亡祖司徒司空融少而神明警惠傳涉有文才竟陵王子良特相友好世祖疾篤融戎服絳衫於中書省閣口斷東宮仗不得進欲立太孫卽位十餘日收下獄

求自試啓

融父道琰廬陵內史融以父官不通弱年便欲紹興家業啓世祖求自試

啓曰臣聞春耕秋蟀集候相悲露木風榮臨年共悅夫唯動植且或有心况在生靈而能無感臣自奉望宮闕沐浴恩私校迹庸虛參名盛列纓劔紫複趨步丹墀歲時歸來誇榮邑里然無慙而官昔賢曾議不任而祿有識必譏臣所用慷慨憤懣不遑自晏誠以

深恩鮮報。聖主難逢。蒲柳先秋。光陰不待。貪及明時。  
展悉愚効。以酬陛下不世之仁。若微誠獲信。短才見  
序。文武吏法。唯所施用。夫君道含弘。臣術無隱。翁歸  
乃居中自見。克國曰。莫若老臣。竊景所修。敢蹈輕節。  
以冒不媒之鄙。式罄奉公之誠。抑又唐堯在上。不參  
二八管夷吾耻之。臣亦耻之。願陛下裁覽。

江左建國。仕惟門第。王謝爲冠。而主尤絕盛。雖出  
司台輔。項背相隨。乃夷身減嗣。踵武不絕。不此之  
畏。獨彼之馳。欲無顛躓。何可得哉。



王融

漢武北伐圖疏

永明末世祖欲北伐使毛惠秀畫漢武北伐圖使融掌其事融好功名因

此上疏

疏曰臣聞情愔自中事符則感象構於始機動斯彰莊敬之道可宗會揖讓其彌肅勇烈之士足貴應輦鐸以增思肇植生民厥詳旣緬降及興運維道有徵莫不有所因循而升皇業者也若夫膏腴旣稱天乙知五方之富皮幣已列帝劉測四海之尊異封禪之文則升中之典攸鬯歎輿地之圖乃席卷之庸是立

伏惟陛下窮神盡聖、總極居中、偶化兩儀、均明二耀、  
拯玄綱於頽絕、反至道於澆淳、可謂區寓儀形、齊民  
先覺者也。臣亦遭逢生此嘉運、鑒飲耕食、自幸唐年、  
而識用昏蠹、經術踈淺、將適且軸。豈蕨與薇、皇鑒燭  
幽、天高聽下。賞片言之或善、矜一物之失時、湔拂塵  
蒙、霑飾光價、拔足草廬、廁身朝序、復得拜賀歲時、瞻  
望日月、於臣心願、曾已畢矣。但千祀一逢、休明難再、  
思策鈇、驚樂陳涓、璫竊習戰陣、攻守之術、農桑牧藝、  
之書、申商韓墨之權、伊周孔孟之道、常願待詔朱闕、



俯對青蒲請開宴之私、談當世之務、位賤人微、徒深  
傾欵、方今九服清怡、三靈和晏、木有附枝、輪無異轍、  
東觀獻舞、南籥傳歌、羌燹踰山、秦屠越海、舌象翫委、  
體之懃、輶譯厭瞻巡之數、固將開桂林于鳳山、創金  
城於西守、而蠢爾獯狄、敢讐大邦、假息關河、竊命函  
谷、淪故京之爽塏、變舊邑而荒涼、息反玷之儒衣、久  
伊川之被髮、北地殘氓、東都遺老、莫不茹泣吞悲、傾  
耳戴目、翹心仁政、延首王風、若試馳咫尺之書、具甄  
戎旅之卒、徇其墮城、納其降虜、可弗勞弦鋏、無待干

戈真皇王之兵。征而不戰者也。臣乞以執爰先邁式。  
道中原。澄澣渚之恒流。掃狼山之積霧。係單于之頸。  
屈左賢之膝。習呼韓之舊儀。拜鑾輿之巡幸。然後天。  
移雲動。勒封岱宗。咸五登三。追蹤七十。百神肅警。萬。  
國具僚。增弁星離。玉帛雲聚。集三燭於蘭席。聆萬歲。  
之禎聲。豈不盛哉。豈不臧哉。昔桓公志在伐莒。郭牙。  
審其幽趣。魏后心存去漢。德祖究其深言。臣愚昧忖。  
誠不足以知微。然伏揆聖心。規模弘遠。旣圖載其事。  
必克就其功臣。不勝歡喜。



盛爲諛詞覲以亟進躁妄可見令終何保

自是時起以迄於無寧可具今觀其



孔稚珪

字德璋會稽人風韻清跡與外兒張融情趣相得門庭之內草萊不剪中有蛙鳴曰我以

此當兩部鼓吹

勸遣使和虜表

建武初稚珪為南郡太守以虜連歲南侵征役不息百姓死傷

乃上表

表曰匈奴為患自古而然雖三代智勇兩漢權奇筭畧之要二塗而已一則鐵馬風馳奮威沙漠二則輕車出使通驛虜庭推而言之優劣可觀今議之者咸以丈夫之氣耻居物下况我天威寧可先屈吳楚勁猛帶甲百萬截彼鯨鯢何往不碎請和示弱非國計

也。臣以爲戎狄獸性，本非人倫。鴟鳴狼踞，不足喜怒。  
蜂目蠆尾，何關美惡。唯宜勝之以深權，制之以遠筭。  
弘之以大度，處之以蠱賊。豈足肆天下之忿，捐蒼生  
之命。發雷電之怒，爭蟲鳥之氣。百獸百勝，不足稱雄。  
橫死千里，無益上國。而蟻聚蠶攢，窮誅不盡。馬足毛  
群，難與競逐。漢高橫威海表，窘迫長圍。孝文國富刑  
清，事出陵辱。宣帝撫納安謐，朔馬不驚。光武卑辭厚  
禮，寒山無霜。是西京四主，英濟中區。輸寶貨以結和，  
遣宗女以通好。長轡遠駁，子孫是賴。豈不欲矧惜民



也。唯漢武藉五世之資，承六合之富，驕心奢志，大  
事匈奴，遂連兵積歲，轉戰千里，長驅瀚海，飲馬龍城。  
雖斬獲名王，屠走凶羯，而漢之器甲，十亡其九，故衛  
霍出關，千隊不反，貳師入漢，百旅頓降。李廣敗于前  
鋒，李陵沒於後陣，其餘奔北，不可勝數。遂使國儲空  
懸，戶口減半，好戰之功，其利安在？戰不及和，相去何  
若？自西朝不綱，東晉遷鼎，群胡沸亂，羌狄交橫，荆棘  
攢於陵廟，豺狼咆於宮闈，山淵反覆，黔首塗地，逼迫  
崩騰，開闢未有，是時得失，畧不稍陳，近至元嘉，多年

無事末路不量復挑疆敵。遂廼連城覆徒。虜馬飲江。  
青徐之際。草木爲人耳。建元之初。胡塞犯塞。永明之  
始。復結連和。十餘年間。邊侯且息。陛下張天造曆。駕  
日登皇聲。雷寓宙勢。壓河岳而封豕殘魂。未屠劒首。  
長蛇餘喘。偷窺外甸。烽亭不靜。五載於斯。昔歲蟻壤。  
瘦食樊漢。今茲蟲毒。浸淫未已。興師十萬。日費千金。  
五歲之費。寧可貲計。陛下何惜匹馬之驛。百金之賂。  
數行之詔。誘此凶頑。使河塞息肩。關境全命。蓄甲養  
民。以觀彼弊。我策若行。則爲百世之福。若不從命。不



過如戰失一隊耳。或云遣使不受則爲辱命夫以天  
下爲量者不計細耻以四海爲任者寧顧小節一城  
之沒尚不足惜一使不反曾何取慙且我以權取貴  
得我畧行何嫌其耻所謂尺蠖之屈以求伸也臣不  
言遣使必得和自有可和之理猶如欲戰不必勝而  
有可勝之機耳今宜早發大軍廣張兵勢徵犀甲於  
岷峨命樓船於浦海使自青徂豫候騎星羅沿江入  
漢雲陣萬里據險要以奪其覓斷糧道以折其膽多  
設疑兵使精銷而計亂固列金湯使神茹而虜屈然

後發衷詔馳輕驛辯辭重幣陳列吉凶北虜頽而愛  
奇貪而好貨畏我之威喜我之賂畏威喜賂願和必  
矣陛下用臣之啓行臣之計何憂玉門之下而無款  
塞之胡哉彼之言戰既慙勲臣之言和亦慊濶伏願  
察兩塗之利害檢二事之多少聖照玄省灼然可斷  
所表謬奏希下之朝省使同博議臣謬荷殊恩奉佐  
侯岳敢肆瞽直伏奏千里

齊魏不敵其勢易見爲數外之虜尤欲講媾爲中  
州之虜理在息民無可疑也宋齊之間未嘗有此



議論亦無有此近古之雅章也

漢書卷之三



孔稚珪

正刑律表

世祖留心法令詔獄官詳舊注竟陵王子良多使從輕稚珪上表

表曰臣聞象萬物者以繩墨爲正馭大國者以法理爲本是以古之聖王臨朝思理遠防邪萌深杜姦漸莫不資法理以成化明刑賞以樹功者也伏惟陛下躡曆登皇乘圖踐帝天地更築日月再張五體裂而復縫六樂積而爰緝乃發德音下明詔降恤刑之文申慎罰之典敕臣與公卿八座共刪注律謹奉聖旨詔審司徒臣子良稟受成規創立條緒使兼監臣宋



躬兼平臣王植等抄撰同異定其去取詳議八座裁  
正大司馬臣焱其中洪疑大議衆論相背者聖照玄  
覽斷自天筆始就成立律文二十卷錄序一卷凡二  
十一卷今以奏聞請付外施用宣下四海臣又聞老  
子仲尼曰古之聽獄者求所以生之今之聽獄者求  
所以殺之與其殺不辜寧失有罪是則斷獄之職自  
古所難矣今律文雖定必須用之用失其平不異無  
律律書精細文約例廣疑似相傾故誤相亂一乖其  
綱枉濫橫起法吏無解既多謬僻監司不習無以相



斷則法書徒明於帙裏冤魂猶結於獄中。今府州郡縣千有餘獄。如令一獄歲枉一人。則一年之中枉死千餘矣。冤毒之死。上干和氣。聖明所急。不可不防。致此之由。又非但律吏之咎。列邑之宰亦亂其經。或以軍勲餘力。或以勞吏暮齒。獷情濁氣。忍并生靈。昏心狠態。吞剝氓物。虐理殘其命。曲文被其罪。冤積之興。復緣斯發。獄吏雖良。不能爲用。使于公哭于邊城。孝婦冤于遐外。陛下雖欲宥之。其已血濺九泉矣。尋古之名流。多有法學。故釋之定國。聲光漢臺。元常文惠。

續映魏閣。今之士子。莫肯爲業。縱有習者。世議所輕。  
且由空懃永歲。不逢一朝之賞。積學當年。終爲閒伍。  
用室將恐此書。永墜下走之乎矣。今若弘其爵賞。開  
其勸慕。課業宦流。班習胄子。拔其精究。使處內局。簡  
其才良。以居外任。方岳咸選其能。邑長並擢其術。則  
臯繇之謀。指掌可致。杜鄭之業。鬱焉何遠。然後姦邪  
無所逃其刑。惡吏不能藏其詐。如身手之相驅。若絃  
聒之相接也。



褚淵

字彥回河南人父湛之尚宋武帝女淵少有世

譽復尚文帝女二世相繼拜駙馬都尉歸心太

祖及廢蒼梧群臣集議袁粲劉秉

不受任淵曰非蕭公無以至此

答太祖書

太祖既平桂陽遷中領軍領南兗州  
增戶邑太祖固讓與淵及袁粲書淵

答粲

答曰來告穎亮敬挹無已謙貶居心深承非飾此誠

此旨久著言外况復造席舒衿迂翰緒意推情顧已

信足書紳但今之所宜商榷必以輕重相推世惟多

難事屬雕弊四維惟援邊氓未安國家費廣府藏須

備北狄侵邊憂虞交切寓內含識尚為天下危心相



與共荷任寄若此當可稍修廉退不求之懷抱實謂  
不可了其不可理無固執且勅寇窮凶勢過原燎爨  
逆倉卒終古未聞常時懼惑當慮先定結壘新亭枕  
戈待敵斷決之策寔有由然鋒鏑初交元惡送首總  
律制奇判於此舉裂邑萬戶登爵槐鼎亦何足以酬  
勲勞粗塞物聽今以近侍禁旅進昇中候乘平隨牒  
取此非叨濟河昔所履牧鎮軍秩不逾本詳校階序  
愧在未優就加沖損特虧朝制奉職數載同舟無幾  
劉領軍峻節霜明臨危不顧音迹未晞奄成今古迷



近失偶慟不及悲。戎謨內寄恒務倍急。秉操辭榮將  
復誰委。誠惟軍柄所期。自增茂圭社。誓貫朝廷匹夫  
里語。尚欲信厚。君令必行。逡巡何路。凡位居物首。功  
在衆先進退之宜。當與衆共。苟殉獨善。何以處物。受  
不自私。彌見至公。表裏詳究。無而後可。相體殊常。深  
思然納。

淵與宋氏累世肺腑。親承顧託。助弒於此。君成於  
於彼。國民各有心。不其然乎。當時以淵眼多白  
之白虹貫日言爲宋氏亡徵也。

五舉夫舉數之宜當與衆共昔俞樾善同以爲  
 里請尚殆計畢吾今必計數與同利且外臣  
 外請委請卦軍財西購自曾效圭玩普貫陣  
 去五夫



謝朓

字玄暉陳郡人少有美名文章清麗善草隸長  
五言詩沈約云二百年來無此詩也

辭隨王子隆牋

朓爲隨王鎮西功曹轉文學子  
隆在荊州朓尤被賞愛長史王

秀之以朓年少相勳密以啓聞  
世祖敕朓還都朓牋辭子隆

辭曰朓聞潢汙之水思朝宗而每竭鴛鴦之乘希沃

若而中疲何則臯壤搖落對之惆悵岐路東西或以

鳴悵况乃服義徒擁歸志莫從邈若墜雨颺似秋蒂

朓實庸流行能無算屬天地休明山川受納褒秣一

介搜揚小善捨耒場圃奉筆菟園東泛三江西浮七

澤契濶戎旃從容讌語長裾日曳後乘載脂榮丘府



廷恩加顏色。沐髮晞陽。未測涯涘。撫臆論報。早誓肌  
骨。不悟滄溟未運。波臣自蕩。渤澥方春。旅翩先謝。清  
切蕃房。寂寥舊華。輕舟反沂。弔影獨留。白雲在天。龍  
門不見。去德滋永。思德滋深。唯待青江可望。候歸艎  
於春渚。朱邸方開。効蓬心於秋實。如其簪履或存。社  
席無改。雖復身填溝壑。猶望妻子知歸。攬涕告辭。悲  
來橫集。

文之葩豔。謂如時花。一榮卽萎。不可久陳。六朝爭  
秀競妍。未免掇英綴蒂。如此奇曄。故是眩人。



陸厥

字韓卿吳郡人少有風

與沈約書

永明末盛爲文章沈約謝朓王融以氣類相推轂周顒善識聲韻約等爲文以平上去入爲四聲以此制韻不可增減世呼爲永明體沈約宋書謝靈運傳後又論宮商厥與約書

書曰、范詹事自序、性別宮商、識清濁、特能適輕重、濟艱難、古今文人、多不全了斯處、縱有會此者、不必其根本中來、沈尚書亦云、自靈均以來、此秘未覩、或與理合、匪由思至、張蔡曹王、曾無先覺、潘陸顏謝、去之彌遠、大旨鈞使、宮羽相變、低昂斜節、若前有浮聲、



則後須切響。一簡之內音韻盡殊。兩句之中輕重悉異。辭旣美矣。理又善焉。但觀歷代衆賢。似不都闇此處。而云此秘未覩。近於誣乎。案范云。不從根本中來。尚書云。匪由思至。斯可謂揣情。謬於玄黃。擿句差其音律也。范又云。時有會此者。尚書云。或闇與理合。則美詠清謳。有辭章調韻者。雖有差謬。亦有會合。推此以往。可得而言。夫思有合離。前哲同所不免。文有開塞。卽事不得無之。子建所以好人譏。彈士衡所以遺恨終篇。旣曰遺恨。非盡美之作。理可詆訶。君子執其



詆訶。便謂合理爲闇。豈如指其合理而寄詆訶爲遺恨邪。自魏文屬論。深以清濁爲言。劉楨奏書。大明體勢之致。岨嶇妥帖之談。操末續顛之說。興玄黃于律呂。此五色之相宣。苟此必未覩。茲論爲何所指邪。故愚謂前英已早識宮徵。但未屈曲指的。若今論所申。至於掩瑕藏疾。合少謬多。則臨淄所云人之著述。不能無病者也。非知之而不改。謂不改則不知斯曹陸又稱竭情多悔。不可力強者也。今許以有病有悔爲言。則必自知無悔無病之地。引其不了。不合爲闇何。



獨誣其一合。一了之明乎。意者亦質文時異。古今好  
冰。將急在情物。而緩於章句。情物文之所急。美惡猶  
且相半。章句意之所緩。故合少而謬多。義兼於斯。必  
非不知明矣。長門上林。殆非一家之賦。洛神池鴈。便  
成二體之作。孟堅精正。詠史無虧於東。王平子恢富  
羽獵。不累於憑虛。王粲初征。他文未能稱是。楊修敏  
捷。暑歟。彌日不獻。率意寡尤。則事促乎一日。翳翳愈  
伏。而理賒乎七步。一人之思。遲速天懸。一家之文。工  
拙壤隔。何獨宮商律呂。必責其如一邪。論者乃可言。



未窮其致。不得言曾無先覺也。

有自然之聲。有自然之韻。然渾沌之鑿。剖自永明。  
百世之師。實維一軌。陸厥之言。有激云爾。





張融

字思光吳郡人辟太尉掾遷中書郎乞爲中散大夫融風止詭越坐常危膝行則曳步翹

身仰首意制甚多太祖素奇愛融常笑曰此人不可無一不可有二

海賦序

宋孝武出融爲封溪令浮海至交州於海中作海賦

賦曰蓋言之用也情矣形乎使夫形實內歟情敷外

寅者言之業也吾遠職荒官將海得地行關入浪宿

渚經波傳懷樹觀常滿朝夕東西無里南北如天反

覆懸鳥表裏菟色壯哉水之奇也奇哉水之壯也故

古人以之頌其所見吾聞翰而賦之焉當其濟興絕

感豈覺人在我外水生之作君自君矣

士有奇氣然有奇才張融意制殊特文侔僊鬼固  
非纖趨肉食所可到也



張融

自序

融玄義無師法而神解過人白黑談論  
鮮能抗拒永明中遇疾爲問津自序

序曰吾文章之體多爲世人所驚汝可師耳以心不  
可使耳爲心師也夫文豈有常體但以有體爲常政  
當使常有其體丈夫當剛詩書制禮樂何至因循寄  
人籬下且中代之文道體闕變尺寸相資彌縫舊物  
吾之文章體亦何異何嘗顛溫良而錯寒暑綜衰樂  
而橫歌哭哉政以屬辭多出比事不羈不阡不陌非  
途非路耳然其傳音振逸鳴節竦韻或當未極亦已



南齊書  
極其所矣。汝若復別得體者，吾不拘也。吾義亦如文。  
造次乘我顛沛，非物。吾無師無友，不文不句，頗有孤  
神獨逸耳。義之爲用，將使性入清波，塵洗猶沫，無得  
釣聲同利，舉價如高，俾是道場。陰成軍路，吾昔嗜僧  
言，多肆法辨，此盡遊乎言笑，而汝等無幸。又云人生  
之口，正可論道說義，惟飲與食，此外如樹網焉。吾每  
以不爾爲恨。爾曹當振綱也。

耳師心師，文人覺寐融之奇僻，猶欲網口愛身，迺  
過中散大夫。



顧歡

字景怡吳郡人家貧好學躬耕誦書夜則燃糠自照晚節服食事黃老道解陰陽書尅死日卒

於剡

山

二教論

佛道二家立教既異學者互相非毀歡論之雖同二法而意當道教

論曰五帝三王莫不有師國師道士無過老莊儒林之宗孰出周孔若孔老非佛誰則當之然二經所說如合符契道則佛也佛則道也其聖則符其跡則反或和光以明近或曜靈以示遠道濟天下故無方而不入智周萬物故無物而不爲其入不同其爲必異各成其性不易其事是以端委櫛紳諸華之容翦髮

曠衣群夷之服、擊跽磬折、侯甸之恭、狐蹲狗踞、荒流  
之肅、棺殯槨葬、中夏之間、火焚水沈、西戎之俗、全形  
守體、繼善之教、毀貌易性、絕惡之學、豈伊同人爰及  
異物、鳥王獸長、往往是佛、無窮世界、聖人代興、或昭  
五典、或布三乘、在鳥而鳥鳴、在獸而獸吼、教華而華  
言、化夷而夷語耳、雖舟車均於致遠、而有川陸之節、  
佛道齊乎達化、而有夷夏之別、若謂其致既均、其法  
可換者、而車可涉川、舟可行陸乎、今以中夏之性、効  
西戎之法、既不全同、又不全異、下有妻孥、上廢宗祀、



嗜欲之物、皆以禮伸、孝敬之典、獨以法屈、悖禮犯順、  
曾莫之覺、弱喪忘歸、孰識其舊、且理之可貴者道也。  
事之可賤者俗也。捨華効夷、義將安取。若以道邪、道  
固符合矣。若以俗邪、俗則大乖矣。屢見刻舷沙門、守  
株道士、交爭小大、互相彈射、或域道以爲兩、或混俗  
以爲一。是牽異以爲同、破同以爲異。則乖爭之由、淆  
亂之本也。尋聖道雖同、而法有左右。始乎無端、終乎  
無末。泥洹仙化、各是一術。佛號正真、道稱正一、一歸  
無死、真會無生。在名則反、在實則合。但無生之教、賒。



無死之化切。切法可以進謙弱。賒法可以退夸強。佛  
教文而博。道教質而精。精非粗人所信。博非精人所  
能。佛言華而引。道言實而抑。抑則明者獨進。引則昧  
者競前。佛經繁而顯。道經簡而幽。幽則妙門難見。顯  
則正路易遵。此二法之辨也。聖匠無心。方圓有體。器  
既殊用。教亦異施。佛是破惡之方。道是興善之術。興  
善則自然爲高。破惡則猛勇爲貴。佛跡光大。宜以化  
物。道跡密微。利用爲已。優劣之分。大畧在茲。夫蹲夷  
之儀。婁羅之辯。各出彼俗。自相聆解。猶蟲嚙鳥聒。何



足述效

佛道二教互有衰盛係人主好尚而道終亦不勝  
道則清淨之說居前佛則福利之期隨後也



此乃新出之書其書名曰  
明史紀事本末卷之三

明史紀事本末



劉祥

字顯徵東莞人宋世解褐爲征西參軍歷太祀

太尉東閣祭酒驃騎王簿少好文學性韻剛疎  
輕言肆行不避高下司徒褚淵入朝以腰

連珠

祥於朝士多所貶忽王與爲僕射祥與與  
子同載見路人驅驢祥曰驢汝好爲之如

汝人才皆已令僕著連珠十五首以  
寄懷有以啓上者徙廣州縱酒卒

辭曰蓋聞興教之道無尚必同拯俗之方理貴祛弊

故揖讓之禮行乎堯舜之朝干戈之功盛於殷周之

世清風以長物成春素霜以凋嚴戒節蓋聞鼓鼗懷

音待揚桴以振響天地涵靈資昏明以垂位是以俊

乂之臣借湯武而隆英達之君假伊周而治蓋聞懸

饑在歲式，羨藜藿之飽，重炎灼體，不念狐白之溫。故才以偶時爲劭，道以調俗爲尊。蓋聞習數之功，假物可尋，探索之明，循時則缺。故班匠日往，繩墨之伎不衰。大道常存，機神之智永絕。蓋聞理定于心，不期俗賞，情貫於時，無悲世辱。故芬芳各性，不待汨渚之哀，明白爲寶，無假荆南之哭。蓋聞百仞之臺，不挺陵霜之木，盈尺之泉，時降夜光之寶。故里有大而垂權，物有微而至道。蓋聞忠臣赴節，不必在朝，烈士匡時，義存則幹。故包胥垂涕，不荷肉食之謀，王歎投身，不主



廟堂之筭蓋聞智出乎身理無或困聲係於物才有  
必窮故陵波之羽不能靜浪盈岫之木無以輟風蓋  
聞良寶遇拙則奇文不顯達士逢讒則英才減耀故  
墜葉垂蔭明月爲之隔輝堂宇留光蘭燈有時不照  
蓋聞跡慕近方必勢遺於遠大情係驅馳固理忘於  
肥遯是以臨川之士時結羨網之悲負肆之氓不抱  
屠龍之歎蓋聞數之所隔雖近則難情之所符雖遠  
則易是以陟歎流霜時獲感天之誠泣血從刑而無  
悟主之智蓋聞妙盡於識神遠則遺功接於人情微



則著故鐘鼓在堂萬夫傾耳大道居身有時不遇蓋  
聞列草深岫不改先冬之悴植松澗底無奪後凋之  
榮故展禽三黜而無下愚之譽千秋一時而無上智  
之聲蓋聞希世之寶違時則賤偉俗之器無聖必淪  
故鳴玉黜於楚岫章甫窮於越人蓋聞德絕於聰非  
疾響所達神閉於明非盈光所燭故破山之雷不發  
聾夫之耳朗夜之輝不開矇瞽之目

負氣好奇之士雖處盛世猶必不免况乎亂時其  
及固宜然此辭故自足以續士衡也



外書論

鬱林王論

惠文太子薨立昭業爲皇太孫太子薨昭業臨哭輒不自勝俄爾還內殿

笑極樂

史臣曰。鬱林王風華外美。衆所同惑。伏情隱詐。難以貌求。立嫡以長。未知瑕豐。世祖之心。不變周道。旣而讐鄙內作。兆自宮闈。雖爲害未遠。足傾社稷。春秋盡梁伯之過。言其自取亡也。

200 4

100 10

100 10

100 10

100 10

100 10

100 10

100 10



齊書史論

明帝紀論

史臣曰高宗以支庶纂曆據猶子而爲論一朝到此誠非素心遺寄所當諒不獲免夫戎夷之事懷抱多端或出自雄忍或生乎畏懾令同財之親在我而先棄進引之愛量物其必遠疑怯旣深猜似外入流涕行誅非云義舉事苟求安能無內愧旣而自樹本根枝胤孤弱貽厥不昌終覆宗社若令壓鈕之徵必委天命盤庚之祀亦繼陽甲杖運推公夫何幾爾

南齊書  
史論之裁馬班殆不可及范曄自喜奇變果具別  
才沈約深自刻削願追范而不及子顯喜爲馳騁  
志駕沈而不能大抵然爾



齊書論

謝超宗劉祥傳論

史臣曰魏文帝云文人不獲細行古今之所同也由  
自知情深在物無競身名之外一槩可蔑旣徇斯道  
其弊彌流聲義所加取忤人世向之所以貴身翻成  
害已故通人立訓爲之而不恃也





南齊書

文學傳論

史臣曰。文章者。蓋情性之風標。神明之律呂也。蘊思含毫。遊心內運。放言落紙。氣韻天成。莫不稟以生靈。遷乎愛嗜。機見殊門。賞悟紛雜。若子栢之品藻人才。仲治之區判文體。陸機辨於文賦。李克論於翰林。張脉擿句。褒貶顏延。圖寫情興。各任懷抱。共爲權衡。屬文之道。事出神思。感及無象。變化不窮。俱五聲之音響。而出言異句。等萬物之情狀。而下筆殊形。吟詠規



範本之雅什。流分條散。各以言區。若陳思代馬群章。  
王粲飛鸞諸製。四言之美。前超後絕。少卿離辭五言。  
才骨難與爭鶩。桂林湘水。平子之華篇。飛館玉池。魏  
文之麗篆。七言之作。非此誰先。卿雲巨麗。升堂冠冕。  
張左恢廓。登高不繼。賦貴披陳。未或加矣。顯宗之述。  
傳教簡文之摛。彥伯分言制句。多得頌體。裴頠內侍。  
元規鳳池。子章以來。章表之選。孫綽之碑。嗣伯喈之  
後。謝莊之誄。起安仁之塵。顏延楊瓚。自比馬督。以多  
稱貴。歸莊爲允。王褒僮約束。誓發蒙。滑稽之流。亦可



奇瑋五言之製獨秀衆品習阮爲理事久則瀆在乎  
文章彌患凡舊若無新變不能代雄建安一體典論  
短長互出潘陸齊名機岳之文永異江左風味盛道  
家之言郭璞舉其靈變許詢極其名理仲文玄氣猶  
不盡除謝混情新得名未盛顏謝並起乃各擅奇休  
鮑後出咸亦標世朱藍共妍不相祖述今之文章作  
者雖衆總而爲論畧有三體一則啓心閑繹托辭華  
曠雖有巧綺終致迂回宜登公宴本非准的而踈慢  
闡緩膏肓之病典正可採酷不入情此體之源出靈



運而成也。次則緝事比類。非對不發。博物可嘉。職成  
拘制。或全借古語。用申今情。崎嶇牽引。直爲偶說。唯  
覩事例。頓失精采。此則傳咸五經。應璩指事。雖不全  
似。可以類從。次則發唱驚挺。操調險急。雕藻淫豔。傾  
炫心竄。亦猶五色之有紅紫。八音之有鄭衛。斯鮑照  
之遺烈也。三體之外。請試妄談。若夫委自天機。參之  
史傳。應思悱來。勿先構聚。言尚易了。文憎過意。吐石  
含金。滋潤婉切。雜以風謠。輕屑利吻。不雅不俗。獨  
胸懷。輪扁斲輪。言之未盡。文人譚士宰。或兼工非唯



識有不周。道實相妨。談家所習。理勝其辭。就此求文。終然鬱奪。故兼之者鮮矣。

騁瞻研詳。文人之致。然子顯論臣節。謂君責臣死。謂爲謬。推進沙門。儒墨九流。皆出其下。誣悖不經。諸史是非。趣舍未有若斯之妄者也。



